

漢書

丹溪心法

十一

漢書門	一	二	三	四	五
類	一	二	三	四	五
號	一	二	三	四	五
函	一	二	三	四	五
架	一	二	三	四	五
冊	一	二	三	四	五

內閣文庫	漢書	一	二	三	四	五
類	類	一	二	三	四	五
號	號	一	二	三	四	五
冊	冊	一	二	三	四	五
架	架	一	二	三	四	五

內閣文庫	
番號	漢 12252
冊數	10 (5)
函號	301 13



醫學館
寮書籍



丹溪心法附餘十一卷

火門

竹集

火四十三

附風熱

戊集

丹溪心法

火陰虛火動難治 火鬱當發者何經 輕者可降
重者則從其性而升之 實火可瀉黃連解毒湯之類

虛火可補 小便降火最速 凡氣有餘便是火不足者是氣
虛 火急甚重者必緩之以生甘草蕪蕪緩參朮亦可 人

壯氣實火盛顛狂者可用正治或硝黃冰水之類 人虛火盛
狂者以生薑湯與之 若投冰水正治立死有補陰即火自降炒

黃栢生地黃之類 凡火盛者不可驟用涼藥必蕪溫散 有

可發者二風寒必來者可發鬱火可發 氣從左邊起者乃肝
火也 氣從臍下起者乃陰火也 氣從脚下起入腹如火者
乃虛之極也蓋火起於九泉之下多死一法用附子未津調塞
湧泉穴以四物湯加降火藥服之妙 陰虛證本難治用四物
湯加炒黃柏降火補陰 龜板補陰乃陰中之至陰也 四物
加白馬脛骨降陰中火可代黃連黃芩 黃連黃芩梔子大黃
黃柏降火非陰中之火不可用 生甘草緩火邪木通下行瀉
小腸火 人中白瀉肝火須風露中二三年者 人中黃大涼
治疫病須多年者佳中氣不足者味用甘草 山梔子仁太能
降火從小便泄去其性能屈曲下降人所不知亦能治痞塊中
火邪
入方

左金丸 治肝火 一名回令丸

黃連 六兩 吳茱萸 一兩或半兩

右為末水丸或蒸餅丸白湯下五十九

附諸賢論

劉宗厚曰火之為病其害甚大其變甚速其勢甚彰其死甚暴
何者蓋能燔灼焚焰飛走狂越消鑠於物莫能禦之游行乎
三焦虛實之兩途曰君火也猶人火也曰相火也猶龍火也
火性不妄動能不違於道常以稟位聽命運行造化生存之
機矣夫人在氣交之中多動少靜欲不妄動其可得乎故凡
動者皆屬火化火一妄行元氣受傷勢不兩立偏勝則病移
害他經事非細改動之極也病則死矣經所謂一水不勝二
火之火出於天造君相之外又有癸陽臟腑之火根於五志

之內六欲七情激之其火隨起蓋大怒則火起於肝醉飽則
火起於胃勞則火起於腎悲哀動中則火起於肺心為君
主自焚則死矣丹溪又啓火出五臟主病曰諸風掉眩屬肝
火動之類經所謂一水不勝五火之火出自人為又考內經
病機一十九條內舉屬火者五諸熱贅瘕皆屬於火之類而
河間又廣其說火之致病者甚多深契內經之旨曰諸病喘
嘔吐酸暴注下迫轉筋小便澀濁腹脹大鼓之有聲如鼓癰
疽瘍疹癩氣結核吐下霍亂贅腫脹鼻寒軌衄血溢血泄
淋悶身熱惡寒戰慄驚惑悲笑謔妄衄衄血汚此皆少陰君
火之熱乃真心小腸之氣所為也若腎瘵暴瘖昌味操擾狂
越罵罵驚駭附腫疼酸氣逆衝上禁慄如喪神守噤嘔瘡瘍
喉痺耳鳴及吞噎滿溢食不下目昧不明暴 瞶瘵暴病暴

死此皆少陽相火之熱乃心包絡三焦之氣所為也是皆火
之變見為諸病也為脈虛則浮大實則洪數藥之所主各因
其屬君火者心火也可以溫伏可以水滅可以直折惟黃連
之屬可以制之相火者龍火也不可以水溫折之從其性而
伏之惟黃柏之屬可以降之意瀉火之法豈止如此虛實多
端不可不察以臟氣司之黃連瀉心火黃芩瀉肺火芍藥瀉
脾火柴胡瀉肝火知母瀉腎火此皆苦寒之味能瀉有餘之
火耳若飲食勞倦內傷元氣火不兩立為陽虛之病以甘溫
之劑除之如黃芪人參甘草之屬若陰微陽強相火熾盛以
乘陰位曰漸煎熬為血虛之病以甘寒之劑降之如當歸地
黃之屬若心火亢極鬱熱內實為陽強之病以鹹冷之劑折
之如大黃朴硝之屬若腎水受傷真陰失守無根之火為陰

凡病以壯水之劑制之如生地黃玄參之屬若右腎命門
火衰為陽脫之病以溫熱之劑濟之如附子乾姜之屬若胃
虛過食冷物抑遏陽氣於脾土為火鬱之病以升散之劑發
之如升麻葛根之屬不明諸此之類而來火之為病施治何
所依據故於諸經集畧其說備處方之用庶免實、虛、之
禍也

附脈理

脈理提綱曰火脈洪數虛則浮

附諸方

九味羌活湯 治春夏秋非時感冒風寒發熱惡寒頭疼項強
或無汗或有汗以代桂枝麻黃青龍各半湯治太陽經表熱
之神藥也此湯非獨治四時風寒春可治溫夏可治熱秋可

治濕治雜証亦有神也

六神通解散 治時行三月後謂之晚發頭痛身熱惡寒脈洪
數先用九味羌活湯不愈後服此湯 並見胃寒

○已上二方發散風寒表熱之劑

東垣瀉陰火升陽湯 治肌熱煩熱面赤食少喘咳痰盛

羌活 甘草炙 黃芪 蒼朮 升麻 八錢 柴胡 一兩半

人參 黃芩 各七錢 黃連 酒炒半兩 石膏 兩

右吹咀每服一兩或半兩水煎 此藥發脾胃火邪又心膽

肝肺膀胱藥也瀉陰火升發陽氣榮養血氣者也

升陽散火湯治男子婦人四肢發熱肌熱筋痺熱骨髓中熱發

困熱如燎捫之烙手此病多因血虛而得之或胃虛過食冷

物過陽氣於脾土火鬱則發之

州漢... 卷之...

子麻 葛根 獨活 羌活 防風 柴胡 八錢
甘草 炙三錢 人參 白芍 各半 甘草 生二錢 炙三錢

右吹咀每服半兩或一兩水煎稍熱服

地骨皮散 治渾身壯熱脈長而滑陽毒火熾發渴

地骨皮 茯苓 各半兩 柴胡 黃芩 生辛

知母 各一兩 石膏 二兩 羌活 麻黃 各七錢 並去之

右吹咀每服一兩入姜煎

○已上三方升麻鬱火表熱之劑

小柴胡湯 見傷寒

柴胡飲子 治解一切肌骨蒸積熱作發寒熱往來表熱裏和

熱表則發熱邪熱半在表半在裏出山蓄熱寒戰正氣與和
入進退無時邪寒熱往來陰陽相勝也蓄熱寒戰正氣與和
熱并蓄於裏脈道不行故身及傷寒發汗不解或中外諸邪
冷脈絕實戰而久煩渴也

熱口乾煩渴或下後熱未愈汗後勞復或骨蒸肺痿喘嗽婦
人餘疾產後經病

柴胡 人參 黃芩 甘草

大黃 當歸 芍藥 各半兩

右為末每服抄三錢水一盞生姜三片煎至七分溫服日三
服病熱甚者加服之

防風當歸飲子 宣明方 治脾腎真陰損虛肝心風熱鬱甚陽勝

陰衰邪氣上逆上實下虛怯弱不耐或表熱而身熱惡寒或
裏熱而躁熱煩渴或邪熱半在表半在裏進退出入不已而
為寒熱往來或表多則惡寒或裏多則發熱或表之陽分陽
和止氣與邪相助并甚於裏蓄熱極深而外無陽氣裏熱極
甚身極似陰而寒戰腹滿煩渴者或裏之陰分正氣反助邪

氣并甚於表則躁熱煩渴而汗出也或邪熱壅塞者或煩熱而痛者或熱結極甚陽氣不通而反齋冷痛或中外熱鬱煩躁甚喜涼畏熱者或熱極閉塞不得宣通陽極似陰中外喜熱而反畏寒者或躁熱煩渴者或濕熱極甚而腹滿不渴者或一切風熱壅滯頭目昏眩暗風眼黑偏正頭痛口乾鼻塞耳鳴及聾咽嗌不利或日赤腫痛口瘡舌痺或上氣痰嗽心脇鬱痞腸胃燥澀小便溺淋悶或皮膚瘙癢手足麻痺又或筋脉拘急支体倦怠或渾身肌肉跳動心忪驚悸或口眼喎邪語言蹇澀或狂妄昏惑健忘失志及或腸胃燥熱悌鬱而飢不欲食或濕熱內餘而消穀善飢然能食而反瘦弱或誤服燥熱毒藥及妄食熱物過多而耗損脾腎則風熱鬱甚而多有如七不必全見也無問自病及中燥熱毒藥所使者

並宜宣通氣血調順飲食久服之舊病除去新病不生設感人常服補益功驗自可知矣

防風

當歸

白芍

柴胡

黃芩

人參

甘草

大黃

各一兩

滑石 六兩

右停每服三錢至五錢水一大盞生姜三片同煎至七分去渣溫服

○廣按此方用大黃瀉陽明之濕熱從大便出用滑石降三焦之妄火從小便出用黃芩以涼膈柴胡以解肌防風以清頭目用人參甘草以補氣當歸芍藥以補血瀉心肝之陽補脾腎之陰而無半味辛香燥熱之謬藥真治風熱燥劑聖於醫者其能如是也耶

熱執端汗下後餘熱未退用此尤妙

○已上三方和解半表半裏熱之劑

大柴胡湯 方見傷寒

防風通聖散 方見中風

○已上三方發攻表裏之劑

調胃承氣湯

小承氣湯

大承氣湯並見傷寒

三一承氣湯 見濕熱

○已上四方攻下裏熱之劑

清心湯 即涼膈散料內加黃連五錢用蜜與竹葉同煎

連翹

山梔子

大黃

薄荷葉

黃芩 各五錢 甘草 一兩半

朴硝 二分

加黃連 半斤

右為細末每服五錢水一盞蜜少許竹葉十片同煎七分服

洗心散 和劑方 治風壅痰滯心經積熱口苦唇燥眼澁多淚大

便秘結小便赤澁

白朮 一兩半 麻黃 和節

當歸 去芦洗 荆芥 穗

芍藥

甘草

大黃 炮裂煨去麩切焙八錢

右為末每服二錢水一盞生姜薄荷各少許同煎溫服

人參瀉肺湯 秘方 治肺經積熱上喘咳嗽胸膈脹滿痰多大便

澁滯

黃芩

梔子

枳殼

甘草 炙

薄荷

連翹

杏仁 炒去皮 桑白皮 炒

大黃

桔梗 炒各等分

一服每服一兩水二盞煎至一盞去滓食後通口服

三黃湯和劑治積熱結滯臍腑大便秘結心膈煩燥

黃連去芦

黃芩去腐

大黃煨各等分

右以咀每服四錢水一盞煎至七分空心服

三黃丸和劑方治男子婦人三焦積熱咽喉腫閉心膈煩燥小便赤澁大便秘結並宜服之

黃連去蘆須黃芩去上

大黃煨各半兩

右為末煉蜜丸如梧子大每服四十九粒熱水吞下

一方用腦麝為衣丸如大豆大夜間噙化一二丸亦好

含化三黃丸

治症同前

見喉痺

大金花丸宣明方治中外諸熱寢汗咬牙時語驚悸瀉血淋閉咳衄血瘦弱頭痛并骨蒸肺痿喘嗽去大黃加梔子名曰梔子金花丸又曰既濟解毒丸

黃連

黃芩

黃芩

大黃各等分

自剉去大黃加梔子

右為末滴水丸如小豆大每服二三十丸新汲水下

四生丸宣明方治一切熱痰常服潤肌膚諸熱証皆可服

大黃

牽牛

皂角各二兩

朴硝半兩

右為末滴水丸如梧子大每服三十九食後白湯下

黃連解毒湯宣明方治傷寒雜病熱毒煩燥乾嘔口渴喘滿陽

厥極深畜熱內甚

方見濕熱

黃連湯聖惠方治一切積熱血熱腹熱酒熱並用

黃連淨不拘多少井水浸之良久碗盛於鍋內煮取清汁服之

○廣按書云寒因熱用熱因寒用何也蓋積熱用寒藥以治

之痼疾用熱藥以治之也相違逆如黃連用姜汁制酒制如

附子用蜜制童便制是也此方既用一味黃連又用井水浸之不無太過乎以酒代之庶乎妙矣

神芎丸 宣明方 治三焦積熱風痰壅滯頭目赤腫或生瘡癩咽

膈不利或腸胃結燥小便赤澀大便閉塞一切執証並服之

大黃生 黃芩各二兩 牽牛生 滑石各四兩

黃連 薄荷 川芎各半兩

右為末滴水丸如梧桐子大每服五十九丸溫水食後下

解毒丸 通玄方 治中外諸邪熱毒癰腫瘡疽筋脉拘攣咬牙驚

悸一切執毒並宜治之

大黃 黃連 黃芩 山梔子 牽牛 滑石各半兩

右為末滴水丸如梧子大每服三四十九丸溫水送下此即黃

連解毒湯神芎丸合方也

全真丹 聖惠方 治臟腑積熱洗滌腸垢潤利燥澀解風毒攻

手足浮腫或頑痺不仁痰涎不利涕唾稠粘胸膈痞塞脘腹

脹滿飲食減退少困倦無力

川大黃 三兩用米泔水浸過三日每日

黑牽牛 八兩淨慢火炒四兩生用四兩同取頭末四兩

右以皂角一兩輕炒去皮子水一大碗浸一宿入蘿蔔一兩

切作片子同皂角一處熬至半碗去滓再熬至二鍾攪和上

件藥末乾濕調勻丸如梧子大每服二三十丸至五六十九

諸飲下隨証加減以利為度

平胃散 三因方 治胃經實熱口乾舌裂大小便秘澀及熱病後

餘熱不除畜於胃中四肢發熱口渴無汗

厚朴 乾炒 射干 浸 升麻 茯苓各一兩半

芍藥二双 枳殼去穢 大黃蒸 甘草炙各一

右吹咀每服四錢水一盞煎至七分去滓空心執服

八正散 治大人小兒心經蘊熱咽乾口燥目赤睛痛臟腑秘結小便赤澀方見淋閉

○已上諸方治三焦鬱火實熱之劑

黃芩湯 治心肺蘊熱口瘡咽痛膈悶小便淋濁不利

澤瀉 梔子仁 黃芩 麥門冬去心

木通 生地黄 黃連 甘草各等分

右吹咀每服一兩水二盞生姜五片煎至一盞食前溫服

清心丸 治經絡中火邪夢漏心忪恍惚口瘡咽燥

黃柏生三双 龍腦三

右為末蜜丸梧子八每服十九臨卧前麥門冬湯下

和齊方 治一切積熱口舌生瘡心煩喉閉

芒硝 青黛 石膏各研末 寒水石

朴硝 滑石 甘草煎湯 馬牙硝各等分

右將甘草湯入諸藥末再煎用柳木條不住手撓令消溶入

青黛和勻傾沙盆內候冷凝結成霜研為末每用少許含化

津嚥如喉閉不能嚥用竹筒吹藥入喉中

玄明粉 御藥院方 此藥大治邪熱所干膈上氣滯臟腑秘澀並

宜服之以朴硝煎過澄瀘五七遍至夜於星月下露至天明

自然結作青白塊子用磁罐子按實於炭火內從漫至緊自

然成汁煎涕直候不響再加頂火一煅便取出於淨地上倒

下用盆合蓋了以去大毒然後研為細末每二斤入甘草生

熟二兩為末一處撓勻臨睡斟量用之或一錢二錢以桃花

煎湯或葱白湯下

白虎湯 治氣熱 見濕熱

四順清涼飲 治血熱 見風熱

薄荷煎 御藥院方 治口舌生瘡痰涎壅塞咽喉腫痛

薄荷 一及取頭川芎半兩取腦子半錢砂仁末二錢

右為末入腦子和勻煉蜜成劑任意嚥嚼和劑方無腦子有

桔梗

天竺散 經驗方 治臟腑積熱煩燥多渴口舌生瘡咽喉腫痛

山梔子 去殼 連翹 各三錢 甘草 二兩 鷄冠雄黃 半兩

瓜蒌 一兩 欝金 用皂角水煮切片焙乾 三兩

右為末每服一錢食後臨睡新汲水調下

清氣散 本事方 治氣壅痰涎上膈煩熱

枳殼 川芎 柴胡 前胡 茯苓 生薑

獨活 羌活 青皮 白木 人參 各等分

右為末每服二錢水一鍾荆芥一穗煎七分服

龍腦飲 和劑方 治蘊積邪熱咽喉腫痛心煩鼻衄及痰熱咳嗽

中暑煩躁傷寒餘毒發熱並宜用之

硝砂仁 瓜蒌根 各三兩 石膏 四兩 藿香葉 二兩四兩

甘草 六兩 梔子仁 十二兩

右為末每服二錢用新汲水入蜜調下

傷寒餘毒潮熱虛汗除蜜入竹青煎服

龍腦雞蘇丸 和劑方 消煩渴涼上膈解酒毒除邪熱并治咳嗽

唾血吐血諸淋下血胃熱口臭肺熱喉腥脾熱口甜膽熱口

苦並宜服之

黃耆去芦 麥門冬去心 阿膠炒 蒲黃炒各 人參去蘆 一兩

生乾地黄研細末 北草炙 木通二兩同柴胡浸

柴胡銀州者二兩和木通以湯半 雞蘇淨葉一斤即薄荷

右除別研藥外並搗為末將好蜜二斤先煉一二沸然後下

生乾地黄末不住手攪令勻取木通柴胡汁慢火熬成膏勿

令焦然後將其餘藥末同和為丸如黃豆大每服二十九嚼

破熱水下虛煩消渴驚悸人參湯下咳嗽唾血鼻衄吐血麥

門冬煎湯下惟林用車前子煎湯下

甘露飲和劑方 治胃中客熱牙宣齧腫咽膈乾燥吐氣腥臭或

胃經受濕伏熱在裏身黃如疸亦能治之

枳殼去白麩炒 石斛去蘆 枇杷葉淨去 甘草 乾熟地黄

黃芩 天門冬去心 麥門冬去心 茵陳 生乾地黄

右咬咀每服三錢水一鐘煎至七分食後溫服

滋腎丸接粹方 治不渴小便閉邪熱在血分也

知母二兩酒浸陰乾 肉桂一錢半 黃蘗一及細剉酒拌炒陰乾

右知母黃栢氣味俱陰以同腎氣故能補而瀉下焦火也桂

與火邪同躰故曰塞因熱用凡諸病在下焦皆不渴也熟水

為丸百沸湯下

○已上諸方治三焦鬱火虛熱之劑

○風熱新增

附諸方

定風餅子簡易方 治風客陽經邪傷腠理背脊強直言語蹇澁

躰熱蕪疾厥頭痛內瞶筋惕手顫鼻淵及飲酒過多嘔吐涎

沫頭目眩暈常服消風去邪見傷風

追風散 和濟方 治諸風上攻頭疼目眩鼻塞聲重皮膚瘙癢眉

角牽引婦人血風一切頭風並治之

白僵蚕 去絲 荆芥 二兩 石膏 四兩 川烏 炮去皮臍 四兩

防風 去蘆 全蝎 炒 川芎 三兩 麝香 一兩 甘草 炙 一兩

右為末每服半錢食後臨卧茶調下

荆芥丸 楊氏方 治一切風邪上攻頭目咽膈不利或傷風發熱

頭痰鼻塞聲重並皆治之 見傷風

養氣丹 和劑方 治諸虛百損真陽不固上實下虛氣不升降或

咳嗽或喘促一切躄虛氣弱之人婦人血海冷憊諸証並宜

服之

禹餘糧 火煨醋淬 紫石英 火煨 磁石 火煨醋淬七次

赤石脂 如前法 代赭石 火煨醋淬七次 一斤

又上五石各以水再研挹其清者置之紙上用竹篩盛之滴

盡水候乾各用瓦瓶盛貯以鹽水紙筋和泥固濟陰乾以硬

炭五十斤分作五處煨此五藥以紙灰蓋之火盡再煨如此

三次埋地穴內兩日出火毒再研細入後藥

肉苁蓉 酒洗浸一宿 附子 炮 一兩 茴香 炒

丁香 木香 不見肉桂 去皮 山藥 巴戟 湯浸

肉豆蔻 麩裏 鍾乳粉 研 鹿茸 酥炙 當歸 酒浸一

沉香 白茯苓 皮去 遠志 去心 沒藥 去 陽起石 煨

五靈脂 別研 乳香 別研 朱砂 別研 各一兩

右入前藥同研極勻用糯米糊為丸每兩作五十九陰乾入

布袋內擦令光莖每服二十九空心溫酒姜鹽湯任下婦人

用艾醋湯下

養正丹 和劑方 治上盛下虛氣不升降元陽虧損氣短身羸及中風涎潮不省人事傷寒陰盛自汗唇青婦人血海久冷並治之

水銀 黑錫去塵淨与水研 硫黃研 朱砂研細各一兩

右用黑蓋一隻火上溶黑鉛成汁次下水銀以柳條攪次下朱砂攪令不見星子放下少待方入硫黃末急攪成砂和勻如有燄以醋酒之候冷取出研極細者糯米糊為丸如棗子大每服三十粒鹽湯棗湯任下

○廣昔年初見養氣丹養正丹出證曰治諸虛百損真陽不足上實下虛氣不升降一切體弱氣虛之人並宜服之云者予以為補虛益損之劑無出於此後觀本草集要曰熱中消中不得服芳草石藥夫芳草之味美石藥之氣悍云

予則於此二冊所用石藥不能不致疑焉及觀七方十劑之目石藥乃為重劑重可以去怯其疑方總釋也何以言之夫躄弱氣虛之人稠痰鬱火膠固於胃臆之關非石藥之氣悍而能開散之乎蓋石藥所以去病邪病邪退而正氣自復正猶石灰所以殺稂莠稂莠死而禾苗自茂也石藥非補人之藥亦猶石灰非肥田之物養氣丹內有菴菴鹿茸當歸等藥庶乎有補而養正丹全是金石之藥何補之有哉觀者詳焉

○已上諸方辛溫發散之劑

清風散 和劑方 治諸風上攻頭目昏眩項背拘急鼻嚏聲重耳作蟬鳴及皮膚頑麻瘙癢癰疹婦人血氣風頭皮腫痒並治之 見傷風

八風散和劑方治風氣上攻頭目昏眩肢體拘急皮膚瘙癢癩疹成瘡及治寒熱不調鼻塞聲重

藿香去土半斤 白芷去蘆各二斤 前胡去蘆各一斤 黃耆去蘆各一斤 甘草煨

右為末每服二錢水一盞入薄荷少許煎湯調下食後服清茶亦可

清神散和劑方消風化痰治頭目眩暈耳聾鼻塞咽嗑不利

檀香剉十人參以酒洗 羌活去蘆 石膏研 薄荷去土 荆芥雙 甘草雙 防風去蘆 細辛去苗沈焙 五反

右為細末每服二錢食後沸湯點服或入茶末尤妙

四生散和劑方治男子婦人肝腎風毒上攻赤眼痒痛羞明多淚及下生脚膝生瘡遍身風癬兩耳內痒服之尤効

黃耆 川獨活 蒺藜沙苑者 白附子

右等分為細末每服二錢薄荷酒調下如腎臟風下疰生瘡以猪腰子批開入藥末二錢在內合定裹煨熟空心細嚼用鹽酒下

川芎茶調散和劑方治諸風上攻頭目昏眩偏正頭疼腦疼鼻塞聲重

大辰砂丸御藥院方清頭目化痰涎及感冒風寒鼻塞聲重

目昏眩背拘急皮膚癢痒並皆治之 見傷風

防風散楊氏方治頭目不清去風明目

防風 川芎 白芷 甘菊花 甘草

右等分為末每服二錢食後荆芥湯調下

追風散瑞竹堂方治白癩風

何首烏 荆芥穗 苦參 蒼木米泔水浸一宿 焙乾各等分
右件為細末好肥皂角三斤去皮弦火磁器內熬為膏和為
丸如梧桐子大每服三五丸空心酒茶任下忌一切動風
之物

胡麻散 和劑方 治脾肺風毒攻衝遍身皮膚瘙癢或生瘡疥或
生癰疹用手搔時浸淫成瘡久而不差愈而復作面上游風
或如虫行紫白癩頑麻或腎臟風攻生瘡並宜服之見癰疹
四神丸 經驗方 治手足頑麻痰涎壅盛頭目昏眩肩背拘急
見痰熱

芎朮湯 御藥院方 清神爽志祛風消蘊治頭目昏痛鼻塞聲重
川芎 二兩半 白朮 一兩七分五分

右吹咀每服八錢水一盞半姜五片煎至八分去滓溫服食

後或為細末白湯點服亦得

天麻散 宣明方 治頭項痛頭面腫拘急風傷衛發躁熱

川芎 苦參 地骨皮 細辛 威靈仙

何首烏 薄荷葉 蔓荊子 菖蒲 杜蒺藜

牛蒡子 蛇蛻草 荆芥穗 防風 已上各半兩

天麻 一兩 甘草 炙二兩

右為末每服三錢用蜜水調下茶酒任下不拘時

防風天麻散 宣明方 治風麻痺走注肢節疼痛中風偏枯或暴

瘖不語內外風熱壅滯并解昏眩 見中風

消毒犀角飲 治大人小兒內蘊邪熱痰涎壅滯或腮項結核

遍身瘡癩並宜治之 見癰疹

一方 治風熱結帶或生瘡癩及金石發熱小腸痔熱

用桑椹不拘多少微研以布絞去渣以瓦器熬稀膏量多少
入蜜再熬成稀膏盛于磁器中每服一二匙食後臨臥以沸
湯點服

○已上諸方辛平發散之劑

上清散 治上焦熱耳鼻壅塞頭目不清

川芎 荆芥穗 薄荷葉各五升 朴硝
石膏 桔梗各一升

右為細末每服一字口噙水鼻內搗之加龍腦三分妙

上清丸 治口舌生瘡咽喉腫痛咳嗽煩熱能清聲潤肺寬膈
化痰爽氣寧神

百藥煎 薄荷淨末各 硝砂一升 片腦一升 玄明粉
茸松 桔梗 柯子 硼砂各五 寒水石

右為細末茸草熬膏為丸如梧桐子大每服一丸噙化或嚼
三五丸茶湯下

龍腦丸 宣明方 治大人小兒一切蘊熱毒氣不散口舌生瘡咽
喉腫痛及失音應疹

龍腦 朱砂 硼砂 牛黃各等分

右為末黃蠟為丸如米粒大每服三五丸浸甘草人參湯送
龍腦川芎丸 御藥院方 消風化滯除熱消痰通利七竅爽氣

清神

桔梗一升半 片腦六升 硝砂仁二升 白豆蔻五升
薄荷去土 川芎 防風去蘆 甘草各一升

右為末煉蜜為丸每兩作二十九丸每服二丸細嚼茶清送下
當歸龍膽丸 宣明方 治腎水陰虛風熱蘊積時發驚悸筋惕搐

冊卷之法

搦神志不寧榮衛壅滯頭目昏眩肌肉羸瘦胃膈痞塞因益不利腸胃燥澁小便溺悶筋脉拘急肢休痿弱暗風癩疾小兒急慢驚風常服宜通血氣調順陰陽病無再作

當歸焙 草龍膽 山梔子 黃連 黃蘗

黃芩各一及 大黃 蘆薈 青黛各五 木香三

干半 麝香半水別所

右為末煉蜜和丸如小豆小兒如大每服二十九生薑湯送

下忌熱諸物蒸服防風通聖散

羌活散和劑方治風氣不調頭目昏眩痰涎滯壅遍身拘急及風邪壅滯頭痛項強鼻塞重肢節煩痛天陰風雨預竟不安見傷風

羌活丸 治症同前

旋覆花湯御藥院方治風熱則面生赤瘰子腦昏目疼鼻塞聲

重面上遊風狀如虫行忌猪肉麪

旋覆花去土 人參去蘆 柴胡去蘆 赤茯苓去皮 赤芍藥去叟

黃芩去皮 枳實麸炒 甘草各二兩

右吹咀每服一兩水一盞半生薑五片煎至八分去滓食後

溫服

通開散御藥院方治風熱上攻頭目筋脉拘急痰涎壅塞肢節

煩疼

羌活去蘆 獨活去蘆 防風去蘆 天麻去蘆 山梔子

大黃各一 滑石二兩 甘草二兩

右吹咀每服八分水一盞半生薑五片煎至八分食後溫服

仙木芎散宣明方治風熱壅塞頭目昏眩及明耳目消痰飲清

川芎 連翹 黃芩 山梔子 菊花

防風 大黃 當歸 芍藥 桔梗

藿香葉 各五分 蒼朮 石膏 各一兩 甘草

荆芥穗 滑石 薄荷葉 硝砂仁 各二分五分

右咬咀每服三錢水一盞煎至七分食後通口服

川芎石膏湯 治風熱上攻頭目眩痛咽乾煩渴

防風通聖散 治風熱諸証總劑

○廣按此方治熱風燥三者之總劑也凡熱風燥之為病必於此而取則焉何以言之風本於熱熱極則風生燥生於風上動則燥至是熱風燥三者其實一源流也故此一方而能兼治之觀其用防風麻黃薄荷荆芥使熱邪從玄府出也用梔子滑石使熱邪從小便出也用大黃朴硝使熱

邪從大便出也其餘黃芩散肺火連翹散心火石膏散胃火芍藥散脾火川芎當歸和血潤燥白木甘草補脾和中桔梗開膈其間

並無一味辛香燥熱之藥可謂善於處方矣故於熱風燥三者之証百發百中無施而不可非聖於醫者其能是欤

愈風丹 瑞竹堂方 治諸般風証偏正頭痛

防風通聖散 四物湯 黃連解毒湯 各二料

加羌活 何首烏 細辛 菊花 天麻

獨活 薄荷 各一兩

右為末煉蜜為丸如彈子大每服一九細嚼茶清下不拘時

荆黃湯 和劑方 治風熱結滯或生瘡癩

荆芥 四兩 大黃 二兩

右咬咀每服五錢水一鍾煎至六分空心服

涼膈散 和劑方治大人小兒臟腑積熱口舌生瘡痰實不利煩

燥多渴腸胃秘澁便溺不利 見濕熱

連翹 四水四分 甘草 川大黃 朴硝各三

薄荷 黃芩 山梔子 各一錢

右水二鍾竹葉七片蜜少許同煎一鍾食後服

既濟解毒湯 治上熱頭目赤腫而痛腹中積滯胸滿困即大

便秘

大黃 火煨 黃連 酒炒 黃芩 酒炒 甘草 炙 桔梗 各一水

柴胡 升麻 連翹 當歸身 各一水

右每服水二鍾煎一鍾食後溫服

洗心散 治風壅痰滯心經積熱口苦唇燥眼澁多淚大便秘

結小便赤澁 見火類

犀角地黄湯 治風熱太甚眼赤目痛喉閉口瘡丹毒 見吐血

四順清涼飲 治一切積熱丹毒并喉嚨熱痛

當歸 去蘆 甘草 炙 赤芍藥 大黃 各等分

右每水一鍾煎食後溫服每 五錢

牛黃清心丸 和劑方 治諸風緩縱不隨語言蹇澁心性健忘

惚去來頭目眩暈胸中煩鬱痰涎壅塞精神昏憤 又治

不足神志不定驚恐怕怖悲憂慘戚虛煩少睡喜怒無時或

發狂顛神思昏亂 見中風

○已上諸方辛涼外散內消之劑

○廣按宣明論云夫執嵐之體也曲直動搖風之用也風生

於執以執為本而風為標凡言風者即風執病也又按錢

氏小兒論云肝有風目連劄不搖得心熱則搖以此論之
凡病 眩強直之謂風風則不離乎熱也觀火燄之上搖
則熾風之象矣 又按古方不分風之從外入由內起一
皃曰風今予分之外入則曰中風傷風冒風內起則曰風
熱外入治以辛溫外散內起則治之以辛涼內消庶得其
病机治法也

吐血 四十四

丹溪心法

○吐血陽盈陰虛故血不得下行因火炎上之勢而上出脉必
大而芤大者癸熱芤者血滯與失血也 大法補陰抑火使復
其位用交趾桂五錢為末冷水調服 山梔子最清胃腕之血
吐血竟胸中氣塞上吐紫血者桃仁承氣湯下之 先吐紅

吐血

後見痰嗽多是陰虛火動痰不下降四物湯為主加痰藥火藥
先痰嗽後見紅多是痰積熱降痰火為急痰嗽 涎帶血出
者此是胃口清血熱蒸而出重者梔子輕者蓋實或暴吐紫血
一碗者無事吐出為好此熱傷血死於中用四物湯解毒湯之
類 吐血挾痰積吐一二碗者亦只補陰降火四物湯加火劑
之類 挾痰若用血藥則泥而不行只治火則止吐血火病也
大吐紅不止以乾姜炮末童便調從治 喉腕痰血荆芥散
妙舌上無故出血如線不止以槐花炒末乾摻之 若吐血一
方童便一分酒半分搗栢葉溫飲非酒不行 嘔吐血出於胃
也實者犀角地黄湯主之虛者小建中湯加黃連主之

入方
二黃補血湯 治初見血及血多宜服

熟羊一升 生羊半 當歸七分半 柴胡五分 升麻

芍藥一升 牡丹皮五 川芎七分半 黃芪五分

右以水煎服 血不止可加桃仁半錢酒大黃斟酌虛寒用之內却去柴胡升麻

又方 治見血後脾胃弱精神少血不止者

人參一升 黃耆二升 五味十三粒 芍藥 甘草五分

當歸五分 麥門冬五分

右咬咀水煎服 加鬱金研入亦可

又方

人參 白朮 茯苓 陳皮各一升 甘草

半夏麩 川芎各五分 青皮 神麩各三分

右咬咀水煎服 如胃不和加藿香 如渴者加葛根半錢

若痰結塊者加貝母一錢黃芩半錢去白陳皮半錢 若

小便赤色加炒黃柏五分 若大便結燥加當歸七分 心

煩加黃連酒拌晒乾五分 若小便滑加煨牡蛎 若見血

多去半夏恐燥加生芩一錢牡丹五分桃仁三分 若胃中

不足飲食少進加炒山梔仁八分 若血溢入濁道留聚隔

間滿則吐血蘇子降氣湯加人參阿膠各五分 上膈壅熱

吐血者以四物湯加荊芥阿膠各五分更不止於本方中加

大黃滑石各五分 胃傷吐血宜理中湯加川芎乾葛各五

分此是飲酒傷胃也吐血不止用生茜根為末二錢水煎放

冷食後服良 白芨末調服治吐血

已上諸方雖非丹溪所出以其藥同故附錄於前

附諸賢論

劉宗厚曰經云榮者水穀之精也和調五臟洒陳於六府乃能入於脉也源上而來生化於脾總統於心藏受於肝宣布於肺施泄於腎灌溉一身目得之而能視耳得之而能聽手得之而能攝掌得之而能握足得之而能步臟得之而能液腑得之而能氣是以出入升降濡潤宣通者由此使然也注之於脉少則瀆充則實常以飲食日滋故能陽生陰長取汁變化而赤為血也生化旺則諸經恃此而長養衰耗竭則百脉由此而空虚可不知謹養哉故曰血者神氣也持之則存失之則亡是知血盛則形盛血弱則形衰神靜則陰生形役則陽充陽盛則陰必衰又何言陽旺而生陰血也蓋謂血氣之常陰從乎陽隨氣運行於內苟無陰以羈束則氣何以樹立故其致病也易調治也難以其比陽常虧而又損之則陽易

充陰易乏之論可以見矣諸經有云陽道實陰道虛陰道常乏陽常有餘陰常不足以人之生也年至十四而經行至四十九而經斷可見陰血之難成易虧如此陰氣一傷所變之證妄行於上則吐衄衰涸於外則虛勞妄行於下則便紅稍熱膀胱則癃閉溺血滲透腸間則為腸風陰虛陽搏則為崩中溫蒸熱瘰則為滯下熱極腐化則為膿血火極似水血色紫黑熱勝於陰發為瘡瘍濕滯於血則為痛痒癩疹皮膚則為冷痺畜之在上則人喜忘畜之於下則人喜狂墮悲跌仆則瘰惡肉凝若分部位身半已上同天之陽身半已下同地之陰此特奉其所顯之証者治血必血屬之藥欲求血藥其四物之謂乎河間謂隨証輔佐謂之六合湯者詳言之矣余故陳其氣味專司之要不可不察夫川芎血中氣藥也通肝

經性味辛散能行血滯於氣也地黄血中血藥也通腎經
味甘寒能生真陰之虛也當歸分三治血中主藥也通肝經
性味辛溫全用能活血各歸其經也芍藥陰分藥也通脾經
性味酸寒能涼血治血虛腹痛也若求陰藥之屬必於此而
取則馬脾胃論有云若善治者隨經損益摘其一二味之所
宜為主治可也此特論血病而求血藥之屬者也若氣虛血
弱又當從長沙血虛以人參補之陽旺則生陰血也若四物
者獨能主血分受傷為氣不虛也輔佐之屬若桃仁紅花蘇
木血竭牡丹皮者血滯所宜蒲黃阿膠地榆百草霜棕櫚灰
者血崩所宜乳香沒藥五靈脂凌霄花者血痛所宜荻麥
陽牛膝枸杞子益母草夏枯草敗龜板者血虛所宜乳酪血
液之物血燥所宜乾姜桂者血寒所宜生地黃苦參血熱所

宜特取其正治大略

能觸類而長可謂應無窮之變矣

附脉理

脉訣舉要曰諸証失血皆見芤脉隨其上下以驗所出大凡失
血脉貴沉細設見浮大後必難治

附諸方

犀角地黄湯 治傷寒汗下不解鬱于經絡隨氣湧泄為衄血
或溝道閉塞流入胃腹吐出清血如鼻衄吐血不盡餘血停
留致面色痿黃大便黑者更宜服之

犀角 鎊

生芩

白芍

牡丹皮 各等分

右咬咀每服五錢水煎溫服實者可服

桃仁承氣湯

芒硝

桂各三錢

甘草 二錢五分 大黃 一兩

升... 桃仁五錢去皮尖

右咬咀每服一兩入姜同煎

黃連解毒湯 見濕熱

三黃丸 治積熱吐血咽膈不利 見火類

犀角地黃湯 按粹方主脉浮客脉芤浮芤相合血積胸中熱之

甚也血在上焦此藥主之

生地黃 二兩 黃連 黃芩 各一兩 大黃 半兩

右咬咀每服一兩水二鍾煎至一鍾食後通口服

四生丸 良方治吐血衄血陽盛於陰血熱妄行

生荷葉 生艾葉 生栝葉 生地黃 各等分

右研爛丸如雞子大每服一丸水三鍾煎至一鍾濾過溫服

藕汁散 濟生方治吐衄不止

生藕汁 生地黃汁 大蘗汁 各三合 生蜜 半匙

右伴藥汁調和令勻每服一小鍾不拘時服

双荷散 聖惠方治卒暴吐血

藕節 七合 荷葉頂 七合

一右同蜜搗細水二鍾煎八分去滓溫服或研末蜜調下

批把葉散 治暑毒攻心嘔吐鮮血 方見中暑

○已上數方治內實吐血之劑

小建中湯

桂枝 甘草 炙三升 大棗 三箇 白芍 六升 生姜 一升

阿膠 炒一合

右咬咀水煎

荊芥散

荆芥穗半升 甘草一升 桔梗二升

右吹咀姜煎食後服

大阿膠丸和劑方 治肺虛客熱咳嗽咽乾多唾涎沫或有鮮血

勞傷肺胃吐血嘔血並皆治之

麥門冬去心 茯苓 栝子仁 百部根 杜仲炒 丹參

貝母 防風各五分 遠志 人參各二升五分 茯苓

乾山藥 熟地黄 阿膠 五味子各一升

右為末煉蜜丸如彈子大每服一九水煎六分和查服

必勝散和劑方 治男子婦人血妄流溢或吐或咳衄血

小蘗并根 人參 蒲黃 當歸去芦 熟地黄

川芎 烏梅去核

右吹咀每服四錢水一鍾煎七分温服不拘時

龍腦雞蘇丸 治膈熱咳嗽或吐血衄 見火類

茯苓補心湯 治心虛為邪氣所傷吐血 見咳血

是齋白朮散簡易方 治積熱吐血咳血若因飲食過度負重有

傷脾胃而吐血者最宜服之惟忌食熱麪煎燻一切發風之物

白朮二兩 人參去芦 白茯苓去皮 黃芪蜜浸 山藥

百合去心各七升半 甘草炙半 柴胡 前胡各二升半

右吹咀每服三錢水一鍾姜三片棗一枚煎六分温服

歸脾湯 治思慮傷脾不能統攝心血以致反行或吐血下血

見律志

天門冬湯濟生方 治思慮傷心吐血衄血

遠志去心 白芍藥 天門冬去心 麥門冬去心 黃芪去芦

藕節 阿膠蛤粉炒 沒藥 當歸 生地黄各一

丹溪心法卷之五

人參 甘草 炙各五斤

右咬咀每服四錢水一鍾姜五片煎六分不拘時溫服
加味理中湯

乾姜炮 人參

白朮焙二 甘草 葛根絡五

右咬咀每服三錢水一鍾煎七分溫服不拘時

麥門冬飲子 後粹方治脾胃虛弱氣促氣弱精神短少衄血吐血

人參 五斤

五味子 五斤

紫苑半斤

黃芪 一斤

芍藥

甘草 各一斤

當歸身

麥門冬 各五分

右咬咀作二服水煎食後服之

團參丸 治吐血咳嗽服涼藥不得者

人參

黃耆

飛羅麩 各一斤

百合 五斤

右為末滴水為丸如梧子大每服三十九茅根湯下

辰膠散 經驗方 治大人小兒吐血

阿膠炒

蛤粉炒

辰砂

少許

右為末藕節搗汁和蜜調下食後服

側柏散 治內損吐血下血因酒太過勞傷於內血氣妄行其

出如湧泉口鼻皆流須臾不救服此即安又治男婦人九

竅出血

側柏葉

一兩五錢蒸乾

人參

去蘆一兩

荊芥穗

一兩燒灰

右為末每服三錢入飛羅麩三錢拌和汲水調粘相似噉服

一方 治吐血

用生地黃五斤搗汁生蜜二斤半以瓦錫器盛貯於鍋內重
湯桑柴火煮三日三夜取出入人參末四兩茯苓末六兩冷
勻不拘時候以熱湯點服 一名瓊玉膏

一方

用栝葉一握乾姜三片阿膠二挺炙水二鍾煎至一鍾去渣頓服

芎藭湯

濟生方

治一切失血過多眩暈不甦

芎藭

當歸

去蘆酒浸各等分

右咬咀每服四錢水二鍾半煎至七分溫服不拘時

四物湯

見補損

治失血過多加栝葉煎服

理中湯

見中寒

蘇子降氣湯

見痰類

○已上諸方治內虛吐血之劑

一方

治酒色傷心肺口鼻衄出血

用荊芥燒灰置地上出火毒為末每服三錢陳米湯下

一方

治大人吐血及傷酒食醉飽低頭掬重損傷吐血至多

汗血妄行口鼻血出但聲未失者投之無不効

百草霜

即鍋底上黑灰外人家者妙

右為末每服三錢米飲調下或井花水調下三服即愈若鼻

衄用一捻吹入鼻中立効

○皮肉破處及灸瘡出血百般用葉不止搽半錢或一字立止

一方

治吐血

用好墨為末每服二錢以白湯化阿膠清調服

一方

用血餘燒灰為末每服三錢冷水調下

○如鼻衄以竹管吹入鼻中即止

一方

治吐血喀血

丹溪心法 卷之十 十八
用藕節搗汁飲之

一方

用栢葉尾上焙乾為末每服三錢食後米飲調下

一方

用大黃末每服一錢以生地黄汁一合水半鍾煎四五沸溫服即愈

一方

治飲酒過多蘊熱胸膈以致吐血衄血

葛花 二兩

黃連 四兩

右為末以大黃末熬膏于丸如梧桐大每服一百丸溫湯下或煎服亦可 吐衄証若脉滑數難治

○已上諸方止血涼血之劑

○廣按氣屬陽喜動者也若夫動靜有常則氣血調均陰

陽和順何病之有哉今也六淫侵于外七情戕于中動過於靜陽勝乎陰則氣有餘而血不足也丹溪曰氣有餘便是火七性急暴燔灼經絡則血沸騰而錯經妄行為咳血嘔血咯血衄血溺血下血之所由也况血為氣之依附若是血敗散枯涸則氣失依附而發越矣不死何待可不畏哉治療大法以苦其寒藥散火涼血為君以辛味藥開鬱利氣為臣以升提藥俾復其位為佐使或以酸澁藥止塞其源或以甘溫藥收補其後如此病之不愈者未之有也又按丹溪正法吐血條已蕪咳嘔咯衄四者附方嘔血衄血通用

咳血

咳血 四十五

戊集

丹溪心法

○咳血 火升 痰盛 身熱多是血虛四物湯加減用

戴咳者嗽出痰內有血者是嘔血者嘔全血者是咯血者每咳出皆是血疼痛衄血者鼻中出血也溺血者小便出血也下血者大便出血也雖有名色分六俱是熱証但有虛實新舊之不同或妄言為寒者誤也

入方

青黛 瓜蒌仁 訶子 海粉 山梔

右為末以蜜同姜汁丸噙化效甚者加杏仁去皮尖後以八物湯加減調理

附諸方

黃蘗散 治咳成勞

甘草 四錢

黃芪

麥門冬

熟苧

桔梗

白芍 各五錢

右咳咀每服五錢水煎

茯苓補心湯

三因湯

治心氣虛耗不能藏血以致面色黃瘁五

心煩熱咳嗽唾血 及婦人懷妊惡阻嘔吐亦宜治之

半夏

湯泡七次

白茯苓

人參 各七錢五分

紫蘇

枳殼 炒 桔梗

甘草 炙

乾薑

陳皮 各五錢

當歸 二錢 熟地黃 一兩五錢

白芍藥 二兩

川芎 七錢五分

右咳咀每服四錢水一鍾姜二片棗一枚煎七分食後溫服

鷄蘇丸 板粹方治虛熱昏冒倦怠下虛上壅嗽血衄血

鷄蘇葉 八兩 即金錢薄荷

黃耆

防風

荆芥 各一兩 桔梗

川芎

甘草

菊花

生芋各半片腦五分

右為末煉蜜丸如彈子大每服一丸用麥門冬去心煎湯送下 又治肺損吐血日漸乏力衰弱行步不得促嗽痰涎飲食不美或發寒熱小便赤澀加車前子三錢用桑枝剉炒香煎湯嚙下

經効阿膠丸濟生方治嗽血唾血

當歸地黃湯宣明方治嗽血衄血大小便血或婦人經候不調

月木過多喘嗽並見癆瘵

人參芩歸湯直指方治虛勞少血津液內耗心火炎燥熱乘肺

金咳嗽咯血及血不榮肌肉動輒毛寒咳嗽

當歸 川芎 白芍藥各五錢 人參 半夏製

橘紅 阿膠炒 赤茯苓 細辛 北五味

甘草炙二錢五分

右吹咀每服八錢水二鍾姜三片煎一鍾食後溫服

一方 治咳嗽

用新綿燒灰半錢食後好酒調服

一方

用栢葉尾上焙乾為末每服三錢食後米飲調下

嘔血 四十六

丹溪心法

○嘔血火載血上錯經妄行 脉大發熱喉中痛者是氣虛用參芪蜜炙黃栢荆芥當歸生地黃用之 嘔血用韭汁童便姜汁磨鬱金同飲之其血自清 火載血上錯經妄行用四物湯加炒山梔童便姜汁服 又方山茶花童便姜汁酒服 又鬱

嘔血

金末治吐血入姜汁童便良 又一方用韭汁童便二物合用
 鬱金細研和服 又方治吐血或衄血上行用鬱金如無用山
 茶花代姜汁童便和好酒調服即止後以犀角地黄湯加鬱金
 怒氣逆甚則嘔血暴癰內逆肝肺相搏血溢鼻口但怒氣致
 血証者則暴甚故經曰抑怒以全陰者是也否則五志之火動
 甚火載血上錯經妄行也用柴胡黃連黃芩黃芪地骨生熟干
 白芍以水煎服虛者以保命生地黄散再加天門枸杞甘草等
 分水煎服

附諸方

一方 治嘔血

黃栢蜜炙

右湯為末前麥門冬湯調二錢匕立瘥

聖惠方 治嘔血

側栢葉或晒乾或陰乾或瓦焙乾

右為末不計時以米飲調下一錢 下

保命生地黄散 治諸見血無寒吐血衄血下血溺血

生地黄 熟地黄 枸杞子 地骨皮 天門冬去心

縉黃耆 白芍藥 甘草炙 黃芩各等分

右以咀每服一兩水二鍾煎至一鍾去滓食前通口服脉微

身凉加減每一兩加官桂五分

大薊散濟生方治飲啖辛熱傷於肺經嘔血出血名曰肺疽

大薊根洗 犀角鎊 升麻 桑白皮炙 蒲黃炒

杏仁去皮尖各一兩 甘草炙 桔梗炒

右以咀每服四錢水一鍾姜五片煎至八分温服不拘時

咯血 四十七 付

丹溪心法

咯血痰帶血絲出者用姜汁青黛童便竹瀝入血藥中用如四物湯加地黃膏牛膝膏之類 咯唾血出於腎以天門冬麥門冬貝母知母桔梗百部黃栢遠志熟辛牡蠣姜桂之類 痰涎血出於脾以葛根黃芪黃連芍藥當歸甘草沉香之類主之入方 治痰中見血

白木五分當歸一錢芍藥一錢牡丹皮五分桃仁一錢研

山梔八分桔梗七分貝母一錢黃芩八分甘草三分

青皮五分

右以水煎服

又方 治痰中血

白木五分牡丹皮五分貝母一錢芍藥一錢

桑白皮錢山梔錢桃仁一分甘草三分

右以水煎服

又方 治痰中血

橘紅二錢半夏一錢茯苓一錢甘草三分白木一錢

枳殼一錢人參五分五味錢桑白皮錢黃芩一錢

右以水一鍾姜三片煎服 或加青黛半錢

又方

橘紅一錢半夏五分茯苓一錢牡丹皮一錢貝母

桃仁錢黃連七分甘草各五分

右以水煎生姜三片

咯血

附諸方

治咯血

荷葉 不拘多少焙乾

右為末米湯調二錢匕

又方 治咯血及衄血

白芍藥 一兩 犀角末 二錢半

右為末新汲水服一錢匕血止為限

又方 治咯血

桑白皮 一分 半夏 一分 知母 貝母 茯苓 各一錢

阿膠 炒五分 桔梗 七分 陳皮 一錢 甘草 杏仁 炒各五分

生芋 一錢 山梔 七分 柳桂 二分 即桂之嫩小枝條也宜入治上焦

右以水煎生姜三片

天門冬丸 本事方 治吐血咯血大能潤肺止咳

天門冬 一兩 甘草 白茯苓 阿膠 杏仁 炒

貝母 各五斤

右為末煉蜜丸如梧桐子大每服一丸熱津含化日夜用十丸

雞蘇散 濟生方 治勞傷肺經唾內有血咽喉不利

雞蘇葉 黃耆 生地黃 洗淨 阿膠 貝母

白茅根 各 桔梗 去芦 麥門冬 去心 甘草 炙各五斤

右咬咀每服四升水一鍾姜三片煎七分溫服

槐花散 朱氏集驗方 治咯血失血

用槐花炒為末每服二升糯米飲下仰卧

黃連阿膠丸 濟生方 治勞嗽并嗽血唾血 見痢類

恩抱散 治咯血吐血唾血及煩燥欬嗽

生蒲黃 乾荷葉 茅根 各等分

右為末每服三錢濃煎桑白皮湯食後溫服

衄血 四十八

丹溪心法

○衄血涼血行血為主大抵與吐血同 用山茶花為末童便

姜汁酒調下 犀角生地黄湯入鬱金同用加黃芩升麻犀角

能解毒 又以鬱金末童便姜汁并酒調服 經血逆行或血

腥或吐血或唾血用韭汁服之立効 治血汗血衄以人中白

新瓦上火逼乾入射香少許研細酒調下經驗人中白即溺盆

白塗秋石也 衄血出於肺以犀角升麻梔子黃芩芍藥生地

黃紫苑丹參阿膠之類主之 原病式曰衄者陽熱拂鬱干於

肝陽明而上熱則血妄行故病衄也

附諸方

河間生地黄散 治鬱熱衄血或咯血吐血者治之

枸杞 柴胡 黃連 地骨 天門冬

白芍 甘草 黃芩 黃芪 生芩

熟芩 各等分

右咬咀水煎服 若下血加地榆

又方 治衄血

伏龍肝 半升即鍋心龜土

右以新汲水一大碗淘取汁和蜜頓服

茜根散 治鼻衄不止

茜根 阿膠 蛤粉 黃芩 各一 側柏葉 生芩 各一

衄血

甘草 各半刃

右以水煎服加姜三片

黃芩為藥湯 治鼻衄不止

黃芩 芍藥 甘草

右以水煎服 或犀角地黄湯如无犀角以升麻代之

○鼻通於腦血上溢於腦所以從鼻而出凡鼻衄並以茅花

調止衄散時進折二泔仍令以麻油滴於鼻或以蘿蔔汁滴

入亦可又茅花白芍藥對半尤好 外迎法以井花水溫紙

頂上貼之 左鼻衄以線札左手中指右出札右手中指俱

出兩手俱札 或炒黑蒲黃吹鼻中或鹿骨末亦可

止衄散

黃芪 六分 赤茯苓 白芍藥 當歸 生干

阿膠 各三斤

右為末每服二錢食後黃芪湯調

芎附飲

川芎 二刃 香附 四刃

右為末每服二錢茶湯調下

○廣按血証須要涼血散火此藥既非涼血又非散火何也

蓋血病用血藥而不効者以其血之所藏無以養也夫心

主血肝藏血此方用川芎所以和血通肝而使血歸於肝

臟也用香附所以開鬱行氣而使火散經絡也血歸火散

何病之不止哉

黃芩為藥散 拔粹方 治虛家不能飲食衄血吐血

黃芩 芍藥 甘草 各等分

一法加生姜黃耆

右水煎服 此藥治傷寒衄血吐血嘔血
茜梅丸 本事方 治衄血无時

茜根草 艾葉 各一 烏梅肉 炒乾半升

右為末煉蜜丸如梧桐子大每服三十九丸烏梅湯下

生地黄湯 直指方 治上熱衄血

生地黄 一升 淨阿膠 炒一升 川芎 桔梗 蒲黃

甘草 生各五升

右吹咀每服八錢水一鍾半入生姜汁二匙煎至八分去滓
温服

麥門冬飲 直指方 治鼻衄

白芍藥 蔞黃 各二 生薑 一 生地黄 三升 麥門冬 二法秘

右吹咀蜜 合水一鍾半煎至八分七作二服

川芎三黃散 直指方 治寒熱衄血

大黃 裹濕紙 川芎 黃連 黃芩 各等分

右為末每服二錢井水調下食後

生地黄湯 經驗方 治榮中有熱及肺壅鼻衄生瘡一切卅毒疾

生地黄 赤芍藥 當歸 川芎 各等分

右吹咀水二鍾煎至一鍾去滓食後温服 若鼻衄加蒲黃

生瘡加黃芩卅毒加防風

清肺飲 試効方 治衄血吐血久不愈者

五味子 付麥門冬 當歸身 人參 生地黄 各五分

黃耆 二升

右吹咀作一服水二鍾煎至一鍾去滓食後温服 用三稜

針氣街出血立愈

地黄飲 按粹方 治衄血往來久不愈甚効

生地黄 熟地黄 枸杞子 地骨皮 各等分

右為末每服二錢蜜湯調下日三服

麥門冬飲子 濟生方 治衄血不止

麥門冬 生地黄 各等分

右剉每服一兩水煎

黃連散 經驗方 治大人小兒盛熱乘於血血隨熱氣散溢於鼻

者謂之鼻衄凡血得寒則凝澁結聚得熱則流散妄行

黃連 黃芩 栝葉 甘草 各等分 豆豉 三十粒

右吹咀每服一兩水一鍾煎至一鍾去滓食後通口服

生地黄湯 治鼻衄昏迷不省

用生地黄三五斤取汁服之以渣塞鼻中須臾即止

白芨散 治鼻衄不上

用白芨不以多少為末冷水調貼鼻竅下

寸金散 治鼻衄不止

土馬鬃 即牆上舊草 甘草 各二 黃藥子 半兩

右為末每服二錢新汲水調下不止再服

射香散 御藥院方 治鼻衄不止

白礬 枯過另研 白龍骨 粘舌者另研 射香 五分

右三味拌和勻每用一字先將冷水洗淨鼻內血涕然後吹

藥於鼻中或以濕紙揆蘸藥鼻內尤妙

龍骨散 三因方 治鼻衄過多

用白龍骨不拘多少研為末用少許吹入鼻中凡九竅出血

皆可用此藥吹之

山梔散 朱氏集驗方 治鼻衄不止

用山梔子不以多少燒為末少許吹入鼻中

黑神散

用百草霜為末用少許吹入鼻中立効

一方 治鼻血不止

用頭髮燒灰以竹管吹入鼻中即止或以酒調亦可

一方

用新採百葉橘水服之即止

一方

治鼻衄及酒疸黃沙淋
用萱草根搗汁一鍾生姜汁半鍾相和時上細呷

用生姜汁磨好墨滴鼻中

一方

用茄花塞鼻中外用茄花濃煎湯服

戊集

〔弱血〕 四十九

丹溪心法

○弱血屬熱 用炒山梔子水煎服或用小蘗琥珀 有血虛

四物加牛藤膏 實者用當歸承氣湯下之後以四物加山梔

入方

小蘗飲子 治下焦結熱血淋

生苜 小蘗 滑石 通草 淡竹葉

蒲黃 炒 藕節 當歸 酒浸 梔子 炒 甘草 各各半兩

弱血

右用水煎空心服

附諸方

許令公方 治尿血

一 生地黄汁一合

生姜汁一合

右以二物相合頭服瘥

當歸承氣湯

當歸

厚朴

枳實

大黃

芒硝

右剉水煎

當歸散

大全良方 治婦人小便出血或時尿血

當歸

羚羊角屑

赤芍藥各半兩

生地黄

剉 剉葉七 半

右咬咀每服八錢水一鍾半煎至八分去滓通口服食前

一方 治小便出血

用當歸四兩酒三升煮一升頓服

一方

用琥珀為末每服二錢灯心薄荷湯調下

鹿角膠丸

濟生方

治房室勞傷小便尿血

鹿角膠五錢

沒藥另研

油頭髮灰各三錢

右為末用茅根汁打糊丸如梧子大每服五十九粒湯送下

六味地黄丸

治老人尿血

見補損

瑞竹堂蒲黃散

故紙炒

蒲黃炒

千年石灰炒

右等分為細末每服三錢空心熱酒調下

此劫劑也

下血

五十

冊溪心法

○下血其法不可純用寒涼藥必於寒涼藥中加辛味為佐久不愈者後用濕劑必兼升率藥中加酒浸炒涼藥如酒煮黃連丸之類寒因熱用故也 有熱四物加炒山梔子升麻秦艽阿膠珠去大腸濕熱 傷虛者當溫散四物加炮乾姜升麻 凡用血藥不可單行單止也

白芷

五倍子

右為末粥丸如梧子人每服五十九米湯下

附脈理

脈訣率要曰便血則訖數則赤黃實脈癢關熱在膀胱附諸方

是車香膏飲

治伏暑純下鮮血

見中暑

敗毒散

治風熱流入大腸經下血不止

見傷風

防風湯

治風濕乘虛入於腸胃或下瘀血 見痢類

槐花散

治腸胃有濕脹滿下血

蒼朮

厚朴

陳皮

當歸

枳殼各一兩

槐花二兩

升草

烏梅各半兩

右以水煎空心服

當歸和血散

按粹方

治腸癖下血濕毒下血

槐花

青皮錢六

當歸身

升麻各二錢

荆芥穗

熟地黄

白朮各六分

川芎四分

右為末每服二三錢清米飲調下食前

升麻去濕和血散

按粹方

治腸癖下血作派其血啣出有力而

用藥心去

一處正開

遠射四散知歸春二月中下二行腹中大作痛乃陽明氣衝
熱毒所作也當去濕毒和血而愈

生地黃 牡丹皮 生甘草 熟甘草 黃耆各一錢

當歸身 熟地黃 蒼朮 秦艽 肉桂各三分

橘皮 升麻 枳殼 白芍藥 一錢五分

右咬咀作一服水四鍾煎至一鍾稍熱空心服

黃連湯 治六便後下血腹中不痛者謂之濕毒下血

黃連 當歸各五錢 甘草 一錢五分

右咬咀每服一兩水二鍾煎至一鍾食前通口服

○已上諸方治濕毒下血之劑

黃連丸 治熱不調下血如痢 見痢類

楊氏方 治腸胃積熱或酒毒大便下血腹中執滿煩渴

脈玄效

黃連 兩兩酒炒 一兩姜汁炒 一兩生用 兩黃芩 防風 各一兩

右為末煮麩糊丸如梧子大每服五十九丸米泔浸枳殼水下
不拘時

考黃連湯 保命集 治大便後下血腹中痛謂之熱毒下血

芍藥 黃連 當歸各五錢 淡桂 五分 甘草 炙二錢

大黃

右每服一兩水二鍾煎至一鍾服如痛甚調本香楨榔末一
錢服

阿膠湯 治傷寒熱毒入胃下痢膿血

黃連丸 治飲酒過多下血不止

黃連 二兩 赤茯苓 阿膠 炒各一兩

右用黃連茯苓為末調阿膠桑子丸每三十九食後米飲下芍藥湯按粹方行血調氣洩而便膿血知氣行而血止行血則便自愈調氣則後重除

見痢類

涼血地黃湯按粹方如飲食不節起居不時者陰受之陰受之則入五臟入五臟則填滿閉塞下為飡泄久為腸癖者水穀與血另作一派即出也時令值夏濕熱大盛正當客氣勝而主氣弱也故腸癖之証甚以此藥主之

熟地黃

當歸

青皮

槐花炒各五分知母炒

黃栢去皮炒各一錢

右咬咀作一服水一鍾煎至七分溫服如小便澀臍下悶或大便秘重調木香檳榔末各五分稍熱空心服或食前服如裏急後重又不去者當下之如有傳變隨証加減

○已上諸方熱毒下血之劑

伏龍肝散三因方治先糞後血謂之逐血蕪止吐衄

伏龍肝半斤枳草冬

白木

阿膠

黃芩

乾地黃各三兩于金方自薑姜

右咬咀每服四升水一鍾前空心服虛者加附子

竹茹湯大全良方治婦人汗血吐血尿血下血

竹茹

熟地黃酪二人參

白芍藥

桔梗

川芎

當歸

甘草炙

桂心各一兩

右咬咀每服一兩水二鍾煎至一鍾食後通口服

剪紅丸濟生方治臟腑虛寒下血不止面色痿黃日久羸瘦

側柏葉剉鹿茸

去毛附子炮

川續斷

酒浸黃耆

阿膠剉

白礬

枯半斤

當歸

去芦酒浸各一兩

附錄

卷之三

血

右為末醋煮米糊丸如梧子大每服七十九空心米飲下

○廣按本方出証云治臟腑虛寒下血不止夫血証乃火使

之然言虛則可言寒則不可也丹溪云下血久不愈者後

用溫劑此方正合其義東垣云勞者溫之

溫之損而不溫何能愈哉此方乃溫補之義非溫寒之說也

○已上諸方治久虛下血之劑

醫師固禁散 治吐血便血

白芷半升 真蒲葷一升 甘草一升半 地榆 去芦一兩

右咬咀每服二升溫酒調服如氣壯人加石膏一兩

一方 槐花 荆芥穗各等分

右為末酒調下一升七乃空心食豬血妙

一方 治卒下血

用赤小豆一升搗碎水二升絞汁飲之

烏梅丸 治便血下血

烏梅 三兩燒灰存性

右為末醋糊丸梧子大每服七十九空心米湯下

一方 治中毒下血

用熨皮燒存性研細每服二升水調下日進三服

一方 治下血劫劑

日藥煎一兩取一半燒為灰

右為末糊丸如梧子大服六十九空心米湯下

一方 血餘灰 鞋底灰 猪牙皂角灰各等分

丹溪心法附錄 卷之六 治下血

右為末酒調三錢匕

一方 治下鮮血

山枝子二燒灰

右為末水和一錢匕服

一方 治糞前有血面色黃

石榴皮

右為末煎茄子湯調一錢匕

一方 治糞後下血不止

艾葉不以多小

右以生姜汁三合和服

一方 治臟毒下血

苦練炒令黃

右為末蜜丸糞陰陽二十九丸

一方

百草霜 研細

右用酒調下

○已上諸方涼血止血之劑

酒煮黃連丸

見泄瀉

四物湯

見補損

成集

腸風臟毒

舟溪心法

腸風獨在胃與大腸出 若兼風者蒼朮秦芫芍藥香附

又方

黃芩

秦芫

槐角

升麻

青黛

右以水煎服

傷風

治腸風下血

滑石

當歸

生薑

黃芩

蒼木

各等分

右以水煎服

或以蒼木生薑不犯鐵器為末丸服

又方

茄蒂

燒存性

枝子炒

右為末蒸飯丸如梧子大每服一百丸空心米湯下

又方

使血久遠傷血致虛升麻風癬瘡見面者

龜板

二升

升麻

香附各五錢

芍藥

一兩半

側柏葉

兩

椿根皮

七錢半

右為末粥丸以四物湯加白朮黃連甘草陳皮作末湯下藥

又方

脉緩大口渴月經紫色勞傷挾濕

白朮

半兩

黃柏

炒

生薑

白芍

各三錢

地榆

二錢

黃芩

香附

各三錢

右為末蒸餅丸服

又方

治積熱便血

蒼木

陳皮

一兩

黃連

黃柏

條芩

各七錢五分

連翹

半兩

右為末生芫膏六兩丸如梧子大每服五七十九白湯下

又方

腸風脫露以車荷鳴五七箇焙乾燒灰醋調搽仍忌濕麪酒

辛熱物

附諸方

腸風黑散

和劑方

治腸風下血或在糞前後並皆治之

荆芥

二兩

亂髮

槐花

槐角

各一兩

甘草

炙

蝟皮炒各一兩 枳殼去白二兩

右將所燒藥同入瓷瓶內蓋泥固濟燒存三分性出火毒同

甘草枳殼搗羅為末每服三錢水一鍾煎七分空心服

香梅丸濟生方 治腸風臙毒下血

烏梅同該燒存性 香白芷不見火 百藥煎燒存性各等分

右為末米糊丸如梧子大每服七十九空心米飲下

黑玉丹和濟方 治腸風積熱下血不止

刺蝟皮製一斤 猪懸蹄一百斤 敗棕判八兩 苦練根五兩

雷丸四兩 牛角腮判十兩 槐角六兩 芝麻四兩

亂髮皂角水洗淨焙八兩

右剉碎用瓷罐內燒存性研為細末入乳香二兩射香八錢

研和令勻用酒打麪糊為丸如梧子大每服二十九先細嚼

胡桃一枚空心以溫酒吞下多進得効

槐角丸和濟方 治五種腸風下血痔瘻脫肛下血並服

槐角炒一升 地榆 黃芩 防風去蘆

當歸酒浸一宿焙乾去蘆 枳殼去白麩炒各八兩

右為末酒糊丸如梧子大每服三十九空心米飲下

槐花散本事方 治腸風臙毒下血

槐花炒 栢葉杵爛 荊芥穗 枳殼各等分

右為末每服二錢空心米飲調下

香附散本事方 治腸風

香附炒一兩 枳殼七錢 當歸半兩 川芎五錢 槐花炒

甘草炙各二錢五分 右為末每服三錢水一鍾姜三片棗一枚煎七分溫服

蒜連丸 濟生方 治臟毒下血

鷹爪黃連 去鬚一兩

右為末用獨頭蒜一箇煨香熟研和入臼杵極爛丸如梧子大每服四十九空心陳米下

加減四物湯 治腸風下血不止

側柏葉 生地黃 當歸 酒浸去蘆 川芎 各一兩 枳殼 去白

荆芥穗 槐花 炒 甘草 炙各半兩

右咬咀每服四錢水一鍾姜三片烏梅少許同煎空心溫服

黃連散 宣明方 治腸風下血疼痛不止

黃連 雞冠花 貫衆 川大黃 烏梅 各一兩

甘草 炙五錢

右為末每服二錢用溫米飲調下日三服不拘時

黃連貫衆散 張子和方 治腸風下血

黃連 雞冠花 貫衆 大黃 烏梅肉 各一兩

甘草 炙七分 枳殼 荆芥 各一兩

右為末每服二錢溫米飲下食前

結陰丹 按粹方 治腸風下血臟毒下血諸大便血疾

枳殼 去穰 葳靈仙 黃芪 陳皮 去白 椿根白皮

何首烏 荆芥穗 各半兩

右為末酒糊丸如梧子大每服五七十九陳米飲入醋少許

煎過要放溫水送下

地骨皮散 經驗方 治腸風痔瘻下血不止

地骨皮 鳳眼根皮並用懸崖中者好去土炒用

右二味各等分同炒微黃色搗為細末每服三錢空心溫酒

調服忌食油膩等物

止血散

御藥院方

治腸風下血或在糞前或在便後在便前者

其血近腎肝血也在便後者其血遠心肺血也此藥並主之

皂角刺

燒灰

二兩

胡桃仁

去皮

故紙

炒

槐花

三兩半

右為末每服二錢米飲調酒亦可

一方 治腸風臟毒

用茄蒂燒灰存性為末米飲調下二錢小兒服半錢

一方 治腸風下血

乾樗根白皮

人參 去蘆

右件等分為末每服二錢空心用酒或米飲調下

一方

槐花

枳殼

右等分炒存性為末新井水為丸米飲下

一方 治臟毒下血

用黃連四兩酒浸春秋五日夏三日冬七日晒乾為末以烏

梅肉六兩同搗為膏丸如梧子大每服二三十丸空心白湯下

一方 治腸風下血

用椿根白皮北引者去粗皮酒浸晒乾為末研膠棗肉丸如

梧子大每服三五丸酒送下

○廣按腸風者邪氣外入隨感隨見所以其色清也臟毒者

蘊積毒久而始見所以其色濁也治腸風以散風行濕藥

治臟毒以清熱涼血藥又要看其虛實新久之不同新者

實者宜降之瀉之虛者久者宜升之補之故治法有所異也

戊集

痔瘡 五十二

丹溪心法

○痔瘡專以涼血為主

入方

人參 黃芪 生苳涼血 川芎 當歸和血

升麻 條芩涼大腸 枳殼寬腸 槐角涼血 黃連生血 等分

一方無黃連

右以水煎服 或丸服亦可

熏洗

五倍子 朴硝 桑寄生 蓮房 加荆芥

前湯先熏後洗又冬瓜藤亦好 又大腸熱腫者用木鱉子

五倍子研細末調傳 痔頭向上是大腸熱甚收縮而上用

四物湯解毒湯加枳殼白木槐角薰光

附諸方

清心丸 素問云諸痛痒瘡瘍皆屬心火此藥主之

黃連一兩 茯神 微赤茯苓各半兩

右為末煉蜜為丸如梧子大每服一百丸食前米湯下

清涼飲 治諸痔熱甚大便秘結

當歸 赤芍藥 甘草炙 大黃飯上蒸曬乾

右等分為末每服二錢新水調下

黃耆葛花丸宣明方 治腸中久積熱毒痔瘻下血疼痛

黃芪 葛花 生地黃焙 黃赤小豆花各一兩

大黃 赤芍藥 黃芩 當歸各三 蠟皮一兩

檳榔 白蒺藜 皂角子仁炒各五

痔瘡

右為末煉蜜丸如梧子大每服二十九至三十九煎桑白皮湯及茴香槐子煎湯下亦可
槐角丸 治痔瘻有效

槐角 當歸 地骨皮 蝟皮 炙各等分
右為末滴水丸如梧子每服五十九空心服
蝟皮丸 治諸痔瘡出血裏急疼痛

槐花 炒 艾葉 炒 枳殼 地榆 當歸
川芎 黃芪 白芍 貫衆
蝟皮 炙各一兩頭髮 燒三 猪後蹄重甲 十枚 皂角 一錢炙黃去皮

右為末煉蜜丸如梧子大每五十九食前米湯下
猪甲散 治諸痔
猪懸蹄甲 不以多火

右為末陳米湯調二錢空心服
芎歸丸 治痔下血不止

川芎 當歸 黃芪 神麩 地榆
槐花 炒各一兩阿膠 炒 頭髮 燒灰 荊芥 木賊 各五五分

右為末煉蜜丸如梧子大每五十九食前米湯服
乾葛湯 治每遇飲酒發動痔瘡腫痛而流血
乾葛 枳殼 炒 半夏 茯苓 生芋
杏仁 各半 黃芩 甘草 炙各二兩半

香殼丸 宣明方 治濕熱內甚因而飽食腸癖發為諸痔命成瘻
木香 黃蘗 各三 枳殼 炒 穰 厚朴 各半 黃連 一兩
蝟皮 燒灰 當歸 四兩 荊芥 穗 二兩

右為末麵糊丸如梧子大每服三三十九溫水下食前日二服

一方 治諸痔瘡

槐花 四兩 皂角刺 一兩

胡椒 十粒 川椒 一兩

右用猪猪肚一箇入藥在內扎定口煮熟去藥空心食肚子

○已上諸方內治之劑

董澆方

槐花 荆芥 枳殼 艾葉

右以水煎入白礬先熏後洗

槐花 半兩 阿膠 炒 頭髮 燒灰 荆芥 木賊 各半五分

右為末煉蜜丸如梧子大每五十九食前米湯服

乾葛湯 治每遇飲酒發動痔瘡腫痛而流血

乾葛 枳殼 炒 半夏 茯苓 生芋

杏仁 各半 黃芩 甘草 炙各二兩半

右判每服三錢黑豆一百粒姜三片白梅一箇水煎服

橘皮丸 治因憂思恐怒適臨于前痔瘡發作腫痛大便難強

努則肛出亦皆治之

橘皮 枳殼 炒 川芎 槐花 炒各半兩 枳殼

木香 桃仁 炒去 紫蘇 荊葉 香附 甘草 炙各半兩

右判每服三錢姜棗煎服

一方 治腸痔每大便常有血

蒲黃末方寸七末飲調下日三頓噫

地黄丸 治五痔滋陰必用之

地黄 酒蒸熟一兩 槐花 炒 黃柏 炒 杜仲 炒

白芷 各一兩 山藥 山茱萸 取 獨活 各八 澤瀉

牡丹皮 茯苓 各六 黃芪 一兩 白附子 二兩

右為末煉蜜丸如梧子大每五十九丸空心米湯服下

一方

大黃煨三升

牡蛎煨一兩

又方

用五倍子如燒香法置桶中薰妙

又方

木鱉子七箇取仁研上礬末二升

右以水煎薰洗二三次如肛門腫熱以朴硝末水調淋之良

又方

搗桃葉一斛蒸之內小口器中以下布榻上坐頭自出

又方

用無花果葉煎水薰少時再洗

又方

用好醋沃燒新磚如法坐薰良

又方

翻花痔

用荆芥防風朴硝煎湯洗之次用木鱉子礬金研末入龍腦
些少水調傅之或用熊膽片腦和勻貼之尤妙

又方

用全蝎不以多少或二三箇初發痔痒用此燒薰

又方

用韭菜不以多少燒熱湯以盆盛湯在內盆上用器具蓋之
留一竅却以韭菜於湯內泡之以穀道坐竅上令氣蒸薰候
溫用韭菜湯輕洗瘡數次自然脫躰

又秘方

先用乾馬齒莧煎湯洗次用螺螄活搗敷瘡紙封口空心食
前鹽湯調下枳殼末一二錢

又方

用枳殼不拘多少每用末二錢水一大碗沙瓶內煎百沸
薰蒸而後洗之
外敷蝸牛膏

用蝸牛一枚射香少許用小砂合子盛蝸牛以射香搽之次
早取汁塗瘡瘡有効

槐白皮膏和濟方治內外諸痔年久不愈者

槐白皮 枳實各五 赤小豆合 桃仁六十 當歸各三 甘草 白芷各二兩

右吹咀以前煎成猪膏一斤微火煎至黃色藥可成膏以貼瘡

五灰膏危氏方治臟腑一切蘊毒發為痔瘡不問遠年近日

似雞冠蓮花核桃牛乳或內或外並皆治之此方親傳之瘡
科刘叔茂累試皆驗不敢自秘

蕎麥灰半 荆柴 老杉枝 薊柴 山白竹

右以上四般柴竹截作二尺許長以斧劈破皮片各取一束
晒乾放火上燒過置坛內為灰防為風所化俟盡燒却以水
於鍋內煮用炭汁又用酒漏以布帛實其竅置蕎麥灰於酒
甬內以所煮四般炭汁淋之然後取汁於鍋內慢火熬汁約
取一小碗候冷入石灰同冊調和成膏以瓦瓶貯之止用石
灰傳之面上不令走氣臨用時却去石灰以冷水調開令病
者以水洗之淨痔瘡仰卧搭起一足先以濕紙於瘡四圍貼
護却用竹篦挑藥塗瘡上須更痛息用紙揩去藥再塗如此

三四遍要痔瘡如墨樣黑方止以水洗淨每日常置冷水一盆以葱湯和之日洗三五遍六七日後膿穢出及其瘡自消寬腸丸醫方大成五灰塗痔瘡之後或臟腑秘結不通者

用此藥寬腸

黃連各等分

右為末麵糊丸如梧子大每服五十九空心米湯下

一方 治久痔

用能膽塗神効

一方 治痔瘡有頭

用芫花入土根洗淨木臼搗以少水絞汁於銀銅器內慢火煎成膏將絲線於膏內度過繫痔瘡頭繫時微痛候心躁痔落時以紙撚蘸膏於竅內求除其根

一方

治用藥枯痔後大便堅硬難下以大黄濕紙裹煨枳殼去穢當歸酒洗各等分為末煉蜜丸如梧子大每服三十九白湯下

灸法

用大蒜一片頭垢捻成餅子內安頭垢餅於痔上外安蒜艾灸之

○已上數方外治之法

四物湯

見補損

解毒湯

見濕熱

戊集

漏瘡

漏瘡

丹溪心法

○漏瘡先須服補藥生氣血用參朮芪芩歸為主大劑服之外以附子末津唾和作餅子如錢厚以艾灸之漏大炷大漏小炷小但灸令微熱不可使痛乾則易之則再研如末作餅再灸如困則止來日又灸直至肉平為効亦有用附片灸仍用前補劑作膏貼之尤妙 痔漏涼大腸寬大腸 用枳殼去穢入巴豆鉄線纏煮透去巴豆入藥用丸藥則爛搗用煎藥乾用寬腸澀竅用赤石脂白石脂枯礬黃丹腦子漏竅外塞用童便煨燼并石牡蛎粉

入方

黃連散 元有痔漏又於肛門邊生一塊皮厚腫痛作膿就在痔孔出作食積注下治

黃連

阿魏

神麩

山查

桃仁

連翹

槐角

犀角等分

右為末以少許置掌心時時舐之津液嚥下如消三分之一止後服

附諸方

加味槐角丸 古庵方 治痔漏通用及治腸風下血

槐角 二兩

生芩 二兩

當歸身

黃芪 各一兩

川芎

阿膠 各半

黃連

條芩

枳殼

秦艽

防風

連翹

地榆

升麻 各一兩

白芷 半兩

右為末煉蜜丸或酒糊丸如梧子大每服五十九丸漸加至七八十九百丸空心溫酒或米湯送下

法曰以槐角生芩生血涼血為君當歸川芎黃芪阿膠補虛為臣以諸藥為佐使蓋黃連瀉心火條芩涼大腸枳殼寬大

腸蕤芩去大腸風防風為血證上使連翹為血證中使地榆為血證下使而連翹又能散經絡中火邪地榆又能涼血升麻升散火邪又與白芷引諸藥入大腸經絡夫痔漏經絡之病也

槿藤子丸 御藥院方 治腸癖下血痔漏結核痰痛

槿藤子 一箇重七錢者 酥炙和皮用 皂角刺 燒存性 茴香 炒 枯白礬

枳殼 去白 炒 樗白 焙白 附子 炮 蝟皮 炒存性 乳香 三斤半

右為末醋麵糊丸如梧子大每服五十丸空心溫酒不如痔瘡痛醋研五七丸塗患處

蝟皮丸 濟生方 治五種痔漏

猪左懸蹄甲 黃牛角腮 蝟皮 一箇同上 藥燒灰存性

防風 去蘆 貫衆 槐角子 炒 鱉甲 醋煮 枳殼 去白皮用

雞冠花 槐花 黃膏 去蘆 雷丸 黃連 去鬚

當歸 香白芷 油髮灰 玄參 各半兩 射香 另研五分

右為末米糊丸如梧子大每服一百丸空心米飲送下年高并虛弱者不宜服也

枳殼散 御藥院方 治腸風痔漏便血無數行痛不可忍

枳殼 去穰 炒 槐子 微炒 黃色 荆芥穗 各半兩

右為末每服三錢薄粟米粥調下如人行一二里地再以粥壓下日進二三服

治痔漏下血疼痛

槐花炒枳殼去穰各一兩為末醋糊丸如梧子大每服二九空心食米飲湯下十丸見効

以醋浸一宿高煑乾去且為末醋糊為丸如梧子大每服
九丸空心茶清送下

腎丸 通行漏瘡中惡水自大腸中出

用黑牽牛碾細末三錢半入猪脊中一線扎青竹葉包煑火
煑孰空心温酒嚥下

○已上諸方治初發時漏之劑

乳香丸 治必漏

乳香二錢半牡蠣粉一錢二分半

右為末雪糕糊丸麻子大每服三十丸姜湯空心下

鈞腸丸和劑方治久漏虛漏肛門腫痛或生瘡時有膿血及
疝下血虛寒久不愈者

橘葉二枚燒存性

蝟皮二箇燒存性

鷄冠花微炒五兩

綠礬枯 白礬枯二兩

胡桃仁取仁十五兩不去

油錐內燒存性

白附子

天南星生用枳殼去穢炒

半夏 訶子煨各二

附子去皮脐生用一兩

右為末醋糊丸如梧子大每服二十九丸空心臨卧温酒送下

黑丸子危氏方專治年久痔漏下血用之累驗

乾姜

百草霜一兩木饅頭二兩烏梅

敗棕

栢葉

油髮各半兩已上七味各燒灰

存性却入後藥

桂心三錢

白芷五錢俱不見火

右丸味為末醋糊丸如梧子大空心米飲下三十九

烏至丸秘方治男子婦人下血腸風痔漏者疼痒不可忍服此

四次是効初得此病或痔或瘻或痔道周迴多生硬核是痔

○者是漏下血是風皆因酒色過度即成此疾人多以外醫
敷洗不知病在腸中有蟲若不去根其病難除

梔角六兩 雷丸四兩 敗棕八兩 苦練根五兩

芝蔴四兩 牛角鯁十一兩到 亂髮皂角水洗八兩

右件剉碎用磁器內燒存性碾末入乳香二兩麝香八錢研
勻酒糊丸如梧子大每服五十九細嚼胡桃一箇溫酒送下
空心臨晚二服其者三服忌別藥房室醋蒜雞諸般發風動
氣毒物并坐濕地

○已上諸方治年久痔漏濕澁之劑

董勇婦翻花濕瘡

草麻子去殼防風 天南星各半兩

右件為粗末盆內燒烟上用器具蓋之留一孔坐孔上薰之

又方 薰漏瘡

艾葉 五倍子 白膠香 苦練根各等分

右剉碎如燒香法置長桶內坐薰瘡處

薰洗痔瘻疼痛

枳殼半兩 朴硝二錢半薄荷半兩 荆芥

乾蓮蓬各一兩

右件為粗末用水三碗煎至二碗半乘熱薰洗

洗漏瘡方 治漏瘡孔中多有惡穢常須避風洗淨

漏蜂房白芷煎湯洗 或大腹皮苦參煎湯洗

右洗畢拭乾先用東向石榴皮晒為末乾摻以殺淫虫少頃
傳藥

用冬瓜湯洗即愈

又方

用朴硝并水調洗 或用蜜和硝調搽

又方 治痔漏

用河邊水漂出柳根赤鬚煎湯洗極効

傳父漏方

用九孔蜂房炙黃以臈月猪脂研傅候收汁以龍骨降香節末入此乳香硬瘡

又方 傳痔漏

用田螺一箇桃開鑿入片腦一分過一宿取螺內水搽瘡先用冬瓜瓢煎湯洗淨搽

消黃散 治下部痔漏

蒲黃

一兩

血竭

半兩

右為末每用少許粘患處

又方

用蠅螂不以多少焙乾為末先用礬水洗淨貼之
辰砂挺子秘方 治痔漏等瘡

人言一錢

白礬二錢

蜜陀僧

辰砂各五錢

右件先研人言細鋪鍋底次用礬鋪人言上枯烟盡為度次將陀僧辰砂研細白糕和作尖挺如小麥大每用一粒頑漏納瘡口上去敗肉盡後貼生肌散

生肌散 秘方

寒水石

煨一錢

龍骨

煨五錢

乾胭脂

三分

輕粉一錢

右件研末乾貼瘡嫩寒水石乾胭脂加龍腦瘡老止依方

丹溪心法餘卷

卷十一

六十一

辰砂膏 秘方

瓜蒂 末三錢

蜜陀僧 研二錢

硃砂 半錢

片腦 少許

右件為末如瘡乾津調貼瘡濕乾貼

玉紅散 秘方

硃砂 二兩先燒研砂在鍋內次用白礬二兩硃砂四錢

右件為末敷痔乾用津唾調貼

代針膏 秘方

巴豆 五錢去皮

枳殼 大有二箇去穢

右件將豆裝在枳殼內綿縛罐內盛醋煮乾枳豆晒乾研細用絲綿蘸濕展藥敷痔根上去痔不用止用生肌散如頑漏日久不可用津調代針膏敷瘡頭尖敗肉自去

四効散 聖惠方治鼠妳痔漏

蜜陀僧 二錢

射香

片腦 各半錢

銅綠 一字

右件為末先用溫水洗拭乾敷

也黃膏 治漏瘡通用

露蜂房 炙

五倍子

木香 三錢

乳香 一錢

輕粉 一字

右為末用生地黃一握搗細和為膏攤生絹貼之

蛇蛻散

治漏瘡血水不止

蛇皮 焙焦

五倍子

龍骨 各二錢

續斷 五錢

右為末入射香小許津唾調傳

○已上諸方外治之法

○廣按痔漏之原由于酒色過度濕而生熱克于臟腑溢于經絡墜于穀道之左右衝突為痔久而成漏者也痔輕而

漏重痔實而漏虛治痔之法不過涼血清熱而已至於治漏初則宜涼血清熱燥濕久則宜澁殺虫而兼乎溫散也或曰痔漏火是根源何故而用溫澁殊不知痔止出血始終是熱漏流膿水始是濕熱終是濕寒不用溫藥何以去濕而散寒乎非止痔漏百病中多有始熱而終寒者如瀉痢如嘔吐初作則腸胃氣實為熱久作則腸胃氣虛而為寒矣丹溪下血條云下血久不愈者後用溫劑正此義也

戊集

脫肛 五十四

丹溪心法

○脫肛屬氣熱 氣虛 血虛 血熱 氣虛者補氣參芪等
歸升麻 血虛四物湯 血熱者涼血四物湯加炒栝 氣熱

者條苓六兩升麻一兩麵糊丸 外用五倍子為末托而上之
一次未收至五七次待收乃止 又東北方壁土泡湯先薰後

附諸方

香荆散 三方 治肛門脫出大人小兒悉皆治之

香附子 荆芥穗各等 一方加砂仁

一方 右為末每服三匙水一大碗煎至十數沸熱淋洗

一方

用五倍子為末每用三錢入白礬一塊水二碗煎洗

一方

用木賊燒灰存性為末捺肛門上按入即愈

一方

用浮萍為末乾貼患處

脫肛

一方

用蔓陀羅花子連殼一對椽斗十六箇搗碎水煎三五沸入朴硝熱洗其肛自收

二靈散

治久痢腸胃俱虛肛門自下

龍骨煨五錢 木賊燒存性二錢五分

右為末摻托之

又方

用槐花槐角等分炒黃色為末用羊血蘸藥炙熟食之以酒送下或以猪膘去皮蘸藥炙食亦可

虞集

淋 五十五

丹溪心法

○淋有五皆屬乎熱 解熱利小便山梔子之類山梔子去皮

一合白湯下

戴云淋者小便淋瀝欲去不去不去又來皆屬於熱也

入考 治老人氣虛而淋者

人參

白朮

木通

山梔子

右水煎服

地髓湯 治死血作淋痛不可忍此證亦能損胃不食

杜牛膝

一名苦杖根即鼓槌草

右以水五鍾煎耗其四而留其一去滓入射香少許空心服之又車以酒煎亦可又名苦杖散 老人虛寒者八味丸或六味地黃丸為要藥

又方

治氣虛而淋者

淋

八物湯加黃芪虎杖甘草煎湯服諸藥中可加牛膝

附諸方

五苓散 治伏暑小便赤澀如淋見中暑

一方 治諸淋

四苓散 二錢 益元散 一錢 燈草 三十莖 山梔子 一錢

右水煎空心服 或益元散加車前末一錢 或益元散加

阿膠末一錢

八正散 和劑方治大人小兒心經蘊熱臟腑閉結小便赤澀

閉不通熱淋血淋膏淋沙淋石淋並皆治之

車前子

瞿麥

薤蒿

滑石

甘草

山梔

大黃 面裹煨 杖通 各一斤

右咬咀每服三錢水一鍾入灯心十莖煎至七分食前溫服

五淋散 和劑

治腎氣不足膀胱有熱水道不通淋瀝不出

如膏如沙如石或如豆汁並皆治之

赤茯苓 六兩 赤芍藥 山梔子仁 各十兩 當歸 去蘆

甘草

主用冬 條苓 二兩

右咬咀每服四錢水一鍾前分空心服

石韋散 和劑方治膀胱有熱淋瀝不去脘腹急痛畜作有時勞

役即癸或尿如豆汁或出沙石並皆治之

芍藥

白朮

滑石

葵子

木通

瞿麥

石韋 法毛 各當歸

甘草 各一兩

王不留行 一兩

右為末每服二錢空心小麥湯調下

通草湯 濟生方 治諸淋

丹溪心法 治淋

八正散 治淋

七下

一四

王不留行 葵子

通草

茆根

蒲黃

當歸去蘆

桃膠

瞿麥

滑石 各一兩 甘草 半兩

右吹咀每服四錢水一鍾姜五片煎服

地膚子湯 濟生方治諸病後身虛熱結下焦遂成淋疾小便赤澀數起少出空痛如刺或尿出血

地膚子 一兩 猪苓

知母

昔岑

海藻洗

通草

瞿麥 去根藥 枳實 炒

升麻

葵子 各半兩

右吹咀每服四錢水一鍾姜五片煎六分溫服

車前子散 治諸淋小便痛不可忍

車前子 兩 淡竹葉

赤茯苓

灯草 各二錢

刺芥穗 能通竅二錢

右作二服水煎

立効散 和劑方治下焦結熱小便淋閉作痛有時尿血

甘草 多三兩

瞿麥穗 兩 山梔子 去皮炒半兩

右吹咀每服五錢水一鍾姜三片葱白三箇灯心三十莖煎至六分去滓食後溫服

○已上八方清熱之劑

導赤散 和劑方治心虛蘊小便赤澀或成淋痛

生乾地黄

甘草

木通

右吹咀每服三錢水一鍾竹葉十片煎六分溫服

火府丹 本事方治心經蘊熱小便赤少及五淋澀痛

木通

黃芩 略一 生熟地黄 二兩

右為末煉蜜杵為丸如梧子大每服五十九丸木通湯送下

○已上二方理寧心之劑

六味地黄丸 治血虛腎虛消渴淋濁見補損

鹿角霜丸 三四分 治膏淋多因憂思失志濁氣不清小便淋閉

黯如膏脂疲劇筋力或傷寒濕多有此証

鹿角霜 秋石 白茯苓各等分

右為末麵糊丸如梧子大每服五十九丸空心米湯下

○已上二方滋腎之劑

一方 治氣虛脾虛消渴淋濁

人參 滑石各一錢 白朮一錢半

赤茯苓 澤瀉各七分 麥門冬

甘草各五分 竹葉三十片

右剉作一服水一鍾灯心二十莖煎六分温服食前

清心蓮子飲 和劑方治上盛下虚心火炎上口苦咽乾煩渴微

熱小便赤澁或欲成淋並治之

黃芪 蜜炙 石蓮肉 去心 赤茯苓 人參 各七錢半

車前子 麥門冬 去心 甘草 炙 地骨皮

黃芩 各半兩

右以咀每服五錢水一鍾煎六分温服發熱加柴胡薄荷

○已上二方扶脾之劑

髮灰散 治血淋 若单小便出血為莖衄皆主之

亂髮不拘多少燒灰入射香少許每服用米醋泡湯調下

治淋以葵子末等分米飲空心調下最治婦人胞轉不尿

葉氏治血淋方簡易方

丹溪心法附錄 卷之十一 六十一

阿膠面炒一兩

木猪苓

赤茯苓

滑石

澤瀉各一兩

車前子

半兩

右吹咀每服三錢水一鍾前六分五更時服

一方 治小腸有熱血淋急痛
車前草連根帶葉洗淨白內搗井花水調瀝清汁空心涼服一碗若足淋沙石則以煨寒水石為末調服

一方 治血淋熱淋効
赤小豆不以多小炒微熟

右為末每服二錢煨葱一根温酒調服

通秘散 治血淋痛不可忍

陳皮

香附

赤茯苓各等分

右剉每服二錢水煎空心服

白薇散 治熱淋血淋

白薇

赤芍藥各等分

右為末每服二錢温酒調下立効或加檳榔

一方 治熱淋血淋

麻根

十箇

右以水四碗煎至一碗空心服甚効

一方 治血淋諸熱淋

山茵陳

炎竹葉

木通

山梔子

滑石

甘草

猪苓

瞿麥

右剉每服五錢水一鍾半灯心少許煎至八分空心温服如大便澁加大黃同煎

○已上八方理血之劑

沉香散 治氣淋疾此多因五內鬱結氣不舒行陰滯於陽而致壅滯小腹脹滿便溺不通

沉香 石韋 滑石 王不留行

當歸各半 葵子 芍藥各七錢五分 甘草

陳皮 木香 青皮各二錢五分

右為末每服三錢煎大麥湯下

傳濟方 治五淋

赤芍藥 一兩 檳榔 二箇麩裹煨

右為末每服二錢水煎空心服

一方 治卒淋急痛

益元散 二錢 茴香一錢微炒黃 木香 檳榔各二分半

右為末水調服

○已上三方理氣之劑

一方 治小便淋痛赤溢下沙石

萱草根一握搗取汁服 或嫩苗煮食之亦可

一方 治沙石淋

琥珀二錢研為末空心葱白湯調下

琥珀散 宣明方 治五淋沙石淋

滑石 琥珀各一兩 木通 當歸 木香

鬱金 菡竹各半兩

右為末每服五錢以蘆葦葉煎湯空心調服如無蘆葦葉以竹葉煎湯送下

○已上三方開鬱之劑

二神散 治諸淋急痛

刑奚心去附余空

海金沙七錢滑石半兩

一方 右為末每服二錢煎木通麥門冬車前草湯入蜜少許送下

石燕子七箇搗如黍米大

新桑白皮三兩剉同拌勻

右將二物分作七帖用水一鍾煎七分去渣空心午前至夜各一服

琥珀散聖惠方治五淋澀痛小便有膿出血

琥珀 海金沙 沒藥 蒲黃各一兩

一方 右為末每服三錢濃煎通草湯送下日二服

用螻蛄七枚蓋二兩同與新瓦上焙乾研細溫酒調服一錢即愈

一方

用苧根一莖剉碎水一碗煎至半碗頓服即通

一方

用車前子一兩以絹囊盛水二鍾煎溫服立瘥

一方

用地膚子或莖葉一兩水一鍾煎溫服即北方掃帚苗上子是也

○已上數方專攻之劑

一方

治淋莖中痛此是肝經氣滯有熱

甘草梢子半兩 青皮 黃柏 澤瀉各一兩

一方

右作一服水二鍾煎至一鍾空心溫服

治苦病淋而莖中痛甚不可忍者

六君子湯加黃柏知母滑石石韋琥珀煎服見調胃類

參苓琥珀湯 治淋莖中痛不可忍相忍脇下痛

人參 茯苓四分 川練子炒一糸 琥珀三分

生甘草一錢 玄胡索七分 澤瀉 柴胡

當歸 加青皮 黃栢各三分

右作一服水一鍾半煎至七分空心溫服

○已上諸方治莖中痛之劑

治婦人諸淋方

用苦杖根俗呼名杜牛膝洗淨搥碎一握水五碗煎至一碗
去渣入射香乳香末各少許調服小便內當下沙石剥上有
声是其効也

石葦散 治婦人小便卒淋澀

陳皮 黃芩 木通 榆栢皮 葵子

瞿麥穗 苧草 各等分

右吹咀每服八錢水一鍾半姜三片煎至八分去渣食前服

○已上治婦人淋証之劑

八味丸

八物湯 並見補損

○廣按淋証其感不一或因房勞或因忿怒或因醇酒或因
厚味所致夫房勞者陰虛火動也忿怒者氣動生火也醇
酒厚味者釀成濕熱也積熱既久熱結下焦所以小便淋
瀝欲去不去不去又來而痛不可忍者初則執淋血淋久
生前熬米液稠濁如膏如沙如石也諸方中類多散執利
小便而於開鬱行氣破血滋陰益少焉若夫散熱利小便
只能治執熱血淋而已其膏熱沙石淋三者必須開鬱行

用藥心法對余

氣破血滋陰方可此古方用麝香琥珀開鬱藥也用青皮木香行氣藥也用蒲黃牛膝破血藥也用黃柏生地黃滋陰藥也東垣用藥凡例小腹痛用青皮黃柏夫青皮踈肝黃柏滋腎蓋小腹小便乃肝腎之部位也孝者不可不知

戊集

小便不通

五十六

丹溪心法

○小便不通有氣虛 血虛 有痰 風閉 實熱 氣虛用參芪升麻等先服後吐或參芪藥中探吐之 血虛四物湯先服後吐或芎歸湯中探吐亦可 痰多二陳湯先服後吐已上皆用探吐 若痰氣閉塞二陳湯加木通一併香附探吐之以提其氣上升則水自降下蓋氣承載其水也 有實熱者當利

之硝糖湯調牽牛末二三分或山梔之類 有熱有濕有氣結於下宜清宜燥宜升 有孕之婦多患小便不通胞被胎壓下故也轉胞論用四物湯加參朮半夏陳皮甘草姜棗煎空心服 一婦人脾疼後患大小便不通此是痰隔中焦氣滯於下焦以二陳湯加木通初契後煎楂吐之

附脉理

脉訣舉要曰鼻頭色黃小便必難脉浮弦濇為不小便

附諸方

蒲黃湯 聖惠方 治心腎有熱小便不通

赤茯苓

木通

車前子

桑白皮炒

荆芥

灯草

赤芍藥

甘草微炒

蒲黃生

滑石

小便不通

丹溪心法

五十六

三

右各等分為末每服二錢葱白生薑煎湯調下食前服
葵子散宣明方治小便不通

葵子 茯苓去皮各等分

右吹咀每服四錢水二鍾煎至一鍾去滓食前服

葵子湯濟生方治膀胱實熱腹脹小便不通

赤茯苓去皮 木猪苓去皮 葵子 枳實麩炒

瞿麥 滑石 木通去節 黃芩 車前子

甘草炙各等分

右吹咀每服四錢水一鍾半姜五片煎八分去滓溫服

海金沙散振粹方治小便淋瀝及下焦濕熱氣不施化或五種

淋疾癃閉不通

海金沙研 木通 瞿麥穗 滑石

通草各半兩 杏仁去皮尖麩炒一兩

右吹咀每服一兩燈心二十莖水二鍾煎至一鍾溫服

鬱金黃連丸秘方治心火炎上腎水不升致使水火不得相濟

膀胱小腸積熱或癃閉不通或遺溺不禁或白濁如泔或膏

淋如膿或如梔子水或如沙石米粒或如粉糊相似者俱熱

証也此藥悉皆治之

鬱金 黃連各一兩 黃芩 琥珀研

大黃酒浸各兩 滑石四兩 黑牽牛炒取頭末三兩 白茯苓四兩

右為末水丸如梧子大每服五十九沸湯下空心服如用消

導飲食降心火可加沉香五錢

宜氣散濟生方治小便不通腹臍急痛

甘草 木通各三錢 通草一錢 葵子

丹心法

滑石各一錢

右為末每服半錢灯心湯下食前

木通散濟生方治小便不通小腹痛不可忍

木通 滑石各一兩 墨牽牛頭末半兩

右吹咀每服一錢水半鍾灯心十莖葱白二莖煎三分食服

八珍散聖惠方治大人小兒小便不利或不通

大黃 木通去皮 滑石 粉草

瞿麥 山梔子 黃芩 荆芥各等分

右為末每服一錢薄荷湯調下小兒減服食前

草蜜湯 治心腎有熱小便不通

生車前草搗取自然汁半鍾入蜜一匙調下

一方 治膀胱不利為癃上者小便閉而不通

八正散加木香 方見淋類

一方 治小便不通脐下滿悶

海金沙一兩 瞶茶半兩

右為末每服三錢生姜甘草湯調下

一方 治膀胱有熱小便不通

用朴硝不拘多少研為末每服二錢空心以茴香湯調下妙

琥珀散 治老人虛 人小便不通

用琥珀為末每服一錢以人參茯苓煎湯調空心服或煉蜜

丸如梧子大每服十九丸赤茯苓湯下

一方 治小便不通

鷄子中黃一枚服之不過三

方

用炒土熱熨小腹冷復易之或以土炒熱放溫填濟中却以艾灸七壯即時通尤妙

一方 治忍小便人致胞轉

自取瓜甲燒灰米飲服之

一方

取陳久筆頭一枚燒為灰和水服之

一方

用酸漿草搗汁入蜜同服

一方

用竹鷄草一兩洗淨車前草一兩同於砂盆搗爛加蜜少許無蜜加鹽少許取汁空心服小便自通竹鷄草其葉如竹葉

花翠藍色

四物湯

見補損

二陳湯

見痰類

戊集

小便不禁

五十七

丹溪心法

○小便不禁者屬熱屬虛 熱者五苓散加解毒虛者五苓加

四物 戴云小便不禁出而不查赤者有熱白者氣虛也

附諸賢論

王節齋曰小便不禁或頻數古方多以為寒而用溫澁之藥殊

不知屬熱者多蓋膀胱火邪妄動水不得寧故不能禁而頻

數來也故年老人多頻數是膀胱血少陽火偏旺也治法當

補膀胱陰血瀉火邪為主而佐以收澁之劑如牡蛎山茱萸

小便不禁

五味子之類不可用溫藥也病本屬熱故宜瀉火因水不心
故火動而致小便多小便既多水益虛矣故宜補血補血
火治其本也收之澁之治其標也

附諸方

茯苓丸 三因方治心腎不足精神惚恍小便淋瀝不禁

赤茯苓

白茯苓 各等分

右為末以新汲水接先澄去新沫控乾別取地黄汁與好酒

同於銀石器內熬成膏搜和丸如彈子大空心鹽酒下二九

桑螵蛸散 澹寮方治男子小便頻數如稠米泔色此由勞心焦

思得之有服此藥不終劑而愈 方見赤白濁

治小便遺失 澹寮方

阿膠 炒成珠

牡蠣

鹿茸 酒炙

桑螵蛸 酒炙各

右為末糯米糊丸如梧子大每五十丸空心鹽酒下
六味地黄丸 治內虛熱者小便頻數不禁

本方加牡蠣五味子 見補損

家韭子丸 三因方 治大人小兒下元虛寒小便不禁或成白濁

家韭子 兩 炒六

鹿茸 兩 酒炙

菴蓉 酒浸

牛膝 酒浸

熟地黄

當歸 兩 各二

杜仲 炒 去皮

石斛 去蘆

乾姜 炮

桂心 兩 各一

兔絲子 酒浸

巴戟 去心各二兩半

右為末酒糊丸如梧子大每服一百丸空心鹽湯溫酒任下
小兒須作小丸服之

五苓散 見中暑

解毒散 見濕熱

四物湯 見補損

升

天

五

丹溪心法

○專主乎熱 帶下與脫精同治法青黛海石黃柏 內傷氣
 血虛不能固守常服八物湯加減吞檉樹根丸 思想成病其
 病在心安神丸帶補藥 熱則流通知母黃栢蛤粉青黛為丸
 精滑專主乎濕熱黃栢知母降火牡蛎粉蛤粉燥濕
 戴云因夢交而出精者謂之夢遺不因夢而自泄精者謂之
 精滑皆相火所動久則有虛而無寒也

入方

良姜三錢 燒灰 黃栢二錢 燒灰 存性 芍藥二錢 燒灰 存性 檉樹根皮 一两半
 右為末 麵糊丸 梧子大 每服三十九 空心茶湯下

附諸賢論

王節齋曰夢遺精滑世人多作腎虛治而用補腎滋精之藥不
 効殊不知此證多屬脾胃飲酒厚味痰火濕熱之人多有之
 蓋腎藏精上之所生由脾胃飲食化生而輪歸于腎今脾胃
 傷于濃厚濕熱內鬱中氣濁而不清則其所化生之精亦得
 濁氣腎主必藏陰靜則寧今所輪之精既有濁于氣則邪火
 動于腎中而水不得寧靜故遺而滑也此證與白濁同丹溪
 論白濁為胃中濁氣下流滲入膀胱而云無人知此也其有
 色心太重妄想過用而致遺滑者自從心腎治但兼脾胃者
 多要當審察

附脉理

脉訣要曰遺精白濁當驗于尺結抃動緊二證之的

附諸方

夢遺

固精元 治心神不安腎虛自泄精

知母 炒

苦楝 酒炒 各二錢 煨龍骨 二錢

芡實

蓮蕊

茯苓

遠志 各三錢

一方有茱萸肉三錢

右為末煑山藥糊丸梧子大硃砂為衣服五十九

小兒絲子丸 和劑方治腎氣虛損自眩耳鳴四肢倦怠夜夢遺精

石蓮肉 二兩

兔絲子 酒焙

白茯苓 兩

山藥 一兩

內將

右為末用山藥糊搜和丸如梧子大每服五十九空心温酒

鹽湯任下如脚膝無力木瓜湯下

威喜丸 和劑方治丈夫元陽虛憊精氣不固小便白濁餘淋常

流夢寐多驚頰上遺泄婦人白濁白帶並皆治之

黃蠟 四兩

白茯苓

去皮切塊用猪苓一分于器內同煮二

右以茯苓末鎔黃蠟丸如彈子大每一丸空心細嚼津液嚥

一下以小便清為度忌米醋只喫糠醋

金鎖正元丹 和劑方治真氣不足呼吸短氣四肢倦怠脚膝酸

疼目暗耳鳴遺精盜汗一切虛損之證並皆服之

五倍子 八錢

紫巴戟 六錢

補骨脂 一兩

硃砂 二錢

另研

龍骨 二錢

另研

肉蓯蓉 洗焙 一兩六錢

葫蘆巴 六錢

一兩

茯苓 去皮八錢

右為末入研藥勻酒糊丸如梧子每服二十九空心温酒鹽

湯任下

玉鎖丹 御藥院方治精氣虛滑遺泄不禁

龍骨

蓮花蕊

鷄頭實

烏梅肉

各等分

右為末用熟山藥去皮為膏和丸小豆大每服三十九空

共飲下

芡實丸 濟生方治思慮傷心疲勞傷腎心腎不交精元不固面

少顏色驚悸健忘小便赤澁遺精白濁足脛酸疼耳聾目暗

芡實 蒸去皮 蓮花鬚 二兩 茯神 去木 山茱萸肉

龍骨 生用 五味子 枸杞子 熟地黄 酒蒸

韭子 炒 肉苁蓉 酒浸 川牛膝 酒浸 紫石英 煨七分

右為末酒煮山藥糊丸如梧子大每服七十九丸空心鹽湯下

固精丸 經驗方治思慮色慾過度損傷心氣遺精盜汗便頻數

白茯苓 去皮 秋石 各四兩 石蓮肉 去殼皮炒

水雞頭粉紅花在上結子垂下各二兩

右為末以蒸棗肉拌和丸如梧子大鹽湯下二十九丸溫鹽酒

下亦可

小中金丸 宣明方治元臟氣虛不足夢寐陰人走失精氣

陽起石 研 木香 乳香 研 青鹽 各一錢五分

骨碎補 炒 白龍骨 一兩 繫者搗碎絹袋盛大豆蒸熟取

出焙乾碎爛黃狗腎一對酒一升煮熟切片子焙

杜仲各半兩去皮生薑炒絲盡

茴香 炒 白茯苓 二兩與狗腎同為末

右為末酒麵糊丸如皂角子大每服二丸空心溫酒下忌房室

葉氏定心湯 簡易方理心氣不足榮血衰少精神恍惚中失精

人參 去蘆 白茯苓 去皮 黃芪 蜜炙 茯神 去木各三兩

厚朴 姜制 川芎 赤石脂 研 白木 各二兩

紫菀茸 苧風 甘草 炙名 麥門冬 去心兩半

字桂 羊兩

右吹咀每服三錢水一鍾赤小豆七十粒煎六分食後服

金櫻丸 治精滑遺及小便後遺瀝

金櫻子

鷄頭實略一

白蓮花蕊

龍骨

煨各半兩

右為末糊丸梧子大每服七八十九空心鹽酒下

白羊肝丸 治遺精

用大半夏八兩剉片猪苓四兩為末拌炒黃色去猪苓却將
半夏為末用白羊腎兩對去筋膜無灰好酒煮爛搗為泥和
半夏末為丸如梧子大晒乾將猪苓末炒熱拌和藥丸安于
磁器內密封養藥每服三十九猪苓煎湯送下

秘元丹 治精不禁危急者

龍骨

酒煮焙

靈砂

水飛各一兩

砂仁

半兩

訶子

小者熟灰炒

取肉半兩

右為末糯米糊丸如菜豆大每服十五丸加至三十九空心

靈砂 二兩

煨

火煨

砂仁

訶子肉

各一兩

白茯苓

牡蛎

雌雄各半
及火股飛

麥門冬

去心二兩半

右為末糯米飯丸空心酒下一十九要通飲葱茶半鍾即行
如無陽起石以龍骨代之亦妙

鍊鹽散 治漏精白濁

白鹽不以多少入磁石器內按實黃泥封固火煨一日取

出鋪陰地一宿

白茯苓

山藥

炒各一兩

右為末入鹽一兩研勻棗肉和蜜丸如梧子大每服三十九
空心棗湯送下

桑螵蛸散 治小便白濁遺失精

見赤白濁

八物湯

見補遺



